

說文解字義證

說文解字第八

義證第二十四

曲阜桂馥學

八

天地之性最貴者也此續文象臂脛之形凡人之屬

皆從人

如鄰切

凡從人則

人當作自

天地之性最貴者也者孝經聖治章天地之性人為貴注

云貴其異於萬物也釋名人仁也仁生物也故易曰立人

之道曰仁與義易大人者與天地合其德與日月合其明

與四時合其序與鬼神合其吉凶書泰誓惟天地萬物父

母惟人萬物之靈傳云天地所生惟人為貴成十三年左

傳民受天地之中以生所謂命也中庸天命之謂性大戴

禮曾子天圓篇毛蟲毛而後生羽蟲羽而後生毛羽之蟲

陽氣之所生也介蟲介而後生鱗鱗而後生介鱗之蟲

陰氣之所生也唯人為傑而後生也陰陽之精也虛辯

兌之澤不竟也

卷二十一

一

惠筠篔簹

五行之端也。會味別聲，被色而生者也。又云：故人者，其天地之德陰陽之交，鬼神之會，五行之秀氣也。管子：人，水也。男女精合而水流，形二月而咀，咀者五味是五藏也。酸生脾，鹹生肺，辛生腎，苦生肝，甘生心，藏已具而後生五肉。脾生髓，肝生骨，腎生筋，肝生革，心生肉，肉已具然後生九竅。脾爲鼻，肝爲目，腎爲耳，肺爲口，爲下竅。五月而成，十月而脈，三月而胎，五月而筋，六月成骨，七月成形。八月而動，九月而躁，十月而胎，五月而筋，六月成骨，七月成形。通人所以十月者，何人天之子者，經天地之數，五故十月。而備乃成人也。列子：楊朱篇：人肖天地之類，懷五常之性。有生之最靈者也。天瑤篇：榮啟期曰：天地之類，萬物惟人爲貴。而吾得爲人，是一樂也。鬻子天地間，而萬物生，薄物生而人爲政焉。子華子：一人之身，爲骨凡三百有六十，精液之所朝夕也。氣息之所吐吸也。心意慮之所識也。手足之所運動而指股之所信屈也。皆與天地之大數通體而爲一。故曰：天地之閉人爲貴。公孫尼曰：人有三百六十節，當天之數。形體有骨肉當地之厚也。有九竅脈理當川谷也。血氣者，當風雨也。春秋演孔圖：正氣爲帝，閔氣爲臣，秀氣爲人。孝經：援神契：人頭圓象天，足方法地。五藏象五行，四

肢法四時九竅法九分日法日月肝仁肺義腎智心禮膽
斷脾信膀胱澗澗難髮法星辰節法日歲腸法鈴注云鈴鈞
也主鍵閉淮南地形訓天一地二人三三三而九九八
十一一主日日數十日主人人故十月而生天文訓岐行
喙息莫貴於人孔竅肢體皆通於天有九重人亦有九
竅天有四時以制三百六十日人亦有四肢以使十二節天有
十二月以制三百六十日人亦有十二月以制三百六十
節故舉事而不順天者逆其生者也精神訓煩氣爲蟲精
氣爲人是故精神天之有也而骨骸者地之有也春秋繁
露天地陰陽木火土金水九與而十者天之數畢也故
數者至十而止書者以十爲終皆取之此聖人何其貴者
起於天至於人而畢畢之外謂之物物者投所貴之端而
不在其中以此見人之超然萬物之上而最爲天下貴也
又云唯人獨偶天地人有三百六十節偶天之數也形體
骨肉偶地之厚也上有耳目聰明日月之象也體有空竅
理脈川谷之象也心有哀樂喜怒神氣之類也故小節三
百六十六副日數也大節十二分副月數也內有五藏副
五行數也外有四肢副四時數也乍視乍瞑副晝夜也乍
柔乍剛副冬夏也乍哀乍樂副陰陽也太元天地之所貴
曰生物之所尊曰人漢書刑法志夫人竹天地之類懷五

常之性聰明精粹有生之最靈者也爪牙不足供嗜欲趨走不足避利害無毛羽以禦寒暑必將役物以爲養任智而不恃力此其所以爲貴也鹽鐵論傳曰凡生之物莫貴於人人主之所貴莫重於人故天之生萬物以奉人也人主愛人以順天也論衡奇怪篇天地之性人爲貴其識也潛篇僂蟲三百人爲之長天地之性人爲貴其類之中惟人夫論讚學篇天地之所貴者人也風俗通萬類之中惟人爲貴抱樸子黃白篇人之爲物貴性最靈晉董京詩萬物皆賤惟人爲貴宋書歷志夫天地之所貴者生也萬物之所尊者人也盧思道勞生論生者天地之大德人者有生之最靈所以作配兩儀稱貴羣品此籀文象臂脛之形者別有奇字片爲古文

僂

未冠也從人童聲

徒紅切

未冠也者玉篇僂僂幼迷荒者廣雅僂稚也顏注急就篇僂謂僕使之未冠笄者也哀十一年左傳公爲與其婆僂汪錡乘魯語使僂子備官而未之間耶韋云僂僂蒙不達也通作童釋名十五曰童牛羊之無角者曰童山無草木曰童言未巾冠似之也易蒙卦匪我求童蒙釋文云字書作僂鄭云未冠之稱書呂州幼子童孫喪服記童子唯當

室總注云童子未冠之稱也論語閭黨童子將命

保

養也從人從采省采古文承

博哀切

古文作保見楚
邛仲甫和鐘

養也者大戴禮係保係保其身體文王世子立太傅少
傅以養之注云養教也又云人則有保出則有師係也者
慎其身以輔翼之而歸道者也注云慎其身者謹安護之
漢書宣帝紀阿保之功注保養也漢官儀太保係養也北
史魏本紀保者以帝體重倍於常見從宗省者徐鍇本
作采省保左傳正義引同采古文示者徐鍇本無此文
當云古文字本書采古文字六書故亦引作古
文字又案字鑑云采音孚糜字云采古文字字

保

古文保

本書宗從

采承

保

古文保不省

采承

保

春秋莊六年左氏經齊人來歸衛俘杜云公羊穀梁經傳皆言衛寶此傳亦言寶惟此經言俘疑經誤正義云案說文係從人采省聲古文係不省然則古字通用寶或係字與俘相似故誤作俘耳

仁

親也從人從二

切如鄰

親也者仁親聲相近釋名仁忍也好生惡殺善含忍也一切經音義八周禮云六德一曰仁鄭玄曰愛人及物曰仁上下相親曰仁周語慈惠係民親也荀子不苟篇交親而不比注云親謂仁恩尹文子仁者所以博施於物尸子仁則人視之呂氏春秋愛類篇仁也者仁乎其類者也韓詩外傳愛由情出謂之仁一切經音義六諡法曰貴賢親親曰仁從二者徐鉉本作二聲錯通論云二亦聲也春秋元命苞仁者情志好生愛人共立字二人爲仁

心

古文仁從于心

尸

古文仁或從尸

止

舉踵也從人止聲

去習切

舉踵也者李善注來自試表引同韻會引徐錯本作舉踵
望也廣韻企望也通俗文舉跟曰企也玉篇引詩如企斯
翼釋名企攸開也曰延鍊之時諸機樞皆開張也老子企
者不立王弼注物尚進則失安故曰企者不立本書研歌
足企也釋身見雁醜其足蹠其踵企通作跂史記高祖本
紀日夜跂而望歸正義說文云跂舉踵也司馬彪云跂望
也馥案漢書作企顏注企謂舉足而鍊身山海經跂踵國
其人行腳跟不著地詩衛風跂予望之傳云跂足則可以
望見之植弓不至焉者跂而及之止

企

古文企從足

廣雅作企

云立也

企

伸臂一尋八尺從人刀聲

而聲切

周禮遂人千夫有治廣三尋深二仞考工記同開廣二尋深
二仞謂之治祭義築宮仞有三尺昭三十二年左傳仞

溝洫注云
度深曰仞

伸臂一尋八尺者程君敦曰說文筵字云度堂以筵筵一丈以此例之則切字當云伸臂一尋尋八尺今本脫一尋字本書尋下云度人之兩臂爲尋八尺也禮部韻畧八尺曰切一切經音義十一八尺曰切書旅葵爲山九切傳云八尺曰切孫子軍形篇勝者之戰若決積水於千仞之谿者形也注云八尺曰切山海經天華之山其高五千仞注云仞八尺也漢書賈誼傳鳳皇翔於千仞顏注八尺曰切六書故古以周尺八尺爲仞中人之身長八尺兩臂尋之亦八尺兩足步之亦八尺度高深以仞度長短以尋度地以步積案說仞者多異有言四尺者史記穰侯列傳守梁七仞之城集解引小爾雅四尺謂之仞倍仞謂之尋有言五尺六寸者漢書賈山傳爲河房之殿殿高數十仞應劭曰五尺六寸曰仞有言七尺者徐鍇韻譜仞七尺廣韻七尺曰仞鄉射記杠長三仞以鴻脰韜上二尋注云七尺曰仞八尺曰尋論語夫子之牆數仞包氏曰七尺曰仞也莊子羨桑楚篇步仞之邱陵釋文七尺曰仞呂氏春秋適威篇若決積水於千仞之谿注云七尺曰仞文選招魂長人千仞五臣云七尺曰仞續漢輿服志天子五路建太常十有二旂九仞曳地注引鄭康成曰七尺曰仞天子之旗六丈三尺顧炎武曰說文仞伸臂一尋八尺家語孔子所謂

舒肱知尋書爲山九仞孔傳八尺曰仞正義曰考工記匠
人有賦遂溝洫皆廣深等而澮云廣二尋深二仞則澮亦
廣深等仞與尋同故知八尺曰仞王肅聖證論及注家語
皆云八尺曰仞與孔義同鄭元云七尺曰仞與孔義異論
語夫子之牆數仞注包云七尺孟子掘井九仞注八尺堂
高數仞注亦云八尺當以八尺爲是若小爾雅云四尺漢
書應劭注云五尺六寸則並
非矣通作仞孟子掘井九仞

仕學也從人從士

鉏里切

學也者本書宦仕也急就篇宦學諷詩孝經論顏注宦仕
也言欲仕學者必當先諷讀詩及孝經論語也書周官學
古入官議事以制政乃不迷又云不學牆面益事惟煩論
語學而優則仕仕而優則學又云有長人焉有社稷焉何
必讀書然後爲學孔注言治人事神於是而習亦學也宣
二年左傳宦三年矣服注宦官學士也襄三十一年傳子
皮欲使尹何爲邑子產曰少未知可否子皮曰愿吾愛之
不吾叛也使夫往而學焉夫亦愈知治矣子產曰僑聞學
而後人政未聞以政學者也曲禮宦學事師
非禮不親注云仕與學皆有師以明道也

交也從人從交下巧切

交也者廣雅同本書傷交傷詩天作岐有夷之行傳云夷易也箋云有佼易之道交交桑扈箋云交交猶佼佼家語入官篇量之無佼佼之辭注云佼猶周也

具也從人異聲士勉切

具也者廣雅同通作撰論語異乎三子者之撰孔注撰具也釋文撰鄭作候讀曰詮詮之言善也馥案木書詮具也僖元年左傳具邢器用而遷之師無私焉注云皆撰具還之無所私取楚詞天問撰體協脅洪注撰具也鬻子篇名撰吏五帝三王傳政乙逢行珪注云撰具也文選藉田賦司農撰播殖之器字又作撰楚詞大招聽歌撰只王注撰具也通作選論語大夫撰漢書人表作選

冠飾兒從人求聲詩曰弁服侏侏巨鳩切

冠飾兒者釋言侏戴也郭引詩戴弁侏侏字或作頰廣蒼頰戴也詩曰弁服侏侏者周頌絲衣文彼作載弁侏侏

傳云依依恭順貌箋云載猶戴也弁爵弁也爵弁而祭於
王上服也釋文依說文依說文作練馥案釋文爲後人所亂疑陸
本詩作練當云練說文作依釋訓依依服也郭云謂戴弁
服邵君晉涵曰戴弁在首而謂之服者士冠禮疏曰始
加元服曰乃申爾服曰咸加爾服鄭注謂
緇布冠皮弁爵弁也是弁得稱爲服也

佩

大帶佩也從人從凡從巾佩必有巾巾謂之飾

蒲妹切

董已與服志佩以章德釋名佩倍也言其非一物有倍貳
也有珠有玉有容刀有帨巾有繡之屬也王逸曰行清潔
者佩芳德光明者佩玉能解
結者佩鱗能決疑者佩玦

大帶佩也者御覽引作大冠帶佩也廣韻佩玉之帶也禮
曰凡帶必有佩玉顧案詩雜佩以贈之傳云珩璜琕瑀衡
牙之類玉藻古之君子必佩玉又云天子佩白玉公侯佩
山元玉大夫佩水蒼玉世子佩瑜玉士佩璆玞從人從
凡從巾佩必有巾巾謂之飾者初學記引云佩從人凡啓
也佩必有巾從巾本書巾佩巾也帶下云佩必有巾王逸
楚詞注佩飾也戴佩曰林罕云說
文佩從重巾不知罕所見何本也

說文解字義證

卷二十四

六

連筠移叢書

便

柔也術士之便從人需聲

人朱

靈石楊氏

柔也者廣雅同儒柔聲相近本書嬌弱也儒鴛弱也一切
經音義二十四說文儒柔也謂柔懷也方言儒輸愚也注
云儒輸猶儒撰也盧君文弼曰案漢書西南夷傳作選與
後漢書西羌傳作選儒音義並與儒撰相近禮記儒行鄭
目錄云名曰儒行者以其記有道德者所行也儒之言優
也柔也王粲編吏論竹帛之儒豈生而迂緩也起於講堂
之上游於鄉校之中無嚴猛斷割以自裁雖欲不迂緩弗
能得矣先王見其如此是以吏服訓雅儒通文法故能寬
猛相濟剛柔自克也北史王憲傳王憲性儒緩不剛劉芳
傳爲政儒緩不能禁止姦盜唐書鄭畋傳賊內輕畋儒柔
案需柔以聲相通考工記鮑人欲其柔滑而腥脂之則需
注云故書需作劑鄭司農云劑讀爲柔需之需詩時邁懷
柔百神釋文柔本亦作濡宋書樂志昭事先聖懷濡上靈
莊子以濡弱謙下爲表方言蘇之小者謂之蘇菜卽本草
之香薷通鑑注魏呼柔然爲蠕蠕南人語轉爲芮芮鄭注
周禮大祝云播讀爲虞芮之芮術士之術者所謂儒術
也晏子春秋言有文章術有條理禮儒行營道同術周禮
太宰以九兩繫邦國之民四曰儒以道得民注云儒諸侯

依氏有六藝以教民者孟子逃墨必歸於楊逃楊必歸於
儒法言君子爲通天地人曰儒漢書司馬相如傳列慝之
儒顏注儒柔也術士之稱也凡有道術皆爲儒風俗通儒
者區也言其區別古今居則敬聖哲之詞動則行典籍之
道稽先王之制立當時之事此通儒也若能納而不能出
能言而不能行講誦而已無能往來此俗儒也晉書范宣
傳庾爰之問宣曰君博學通綜何以太儒宣曰漢興貴經
術至於斥渠之論實以儒爲弊正始以來世尙老莊逮晉
之初競以裸裎爲高僕誠太儒然立不與易羣輔錄八儒
云夫子沒後散於天下設於中國成百氏之源爲綱紀之
儒居環堵之室華門圭竇瓊牖樞併日而會以道自居
者有道之儒子思氏之所行也衣冠中動作順大讓如慢
小讓如僞者子張氏之所行也顏氏傳詩爲道爲諷諫之
儒孟氏傳書爲道爲疏通致遠之儒漆雕氏傳禮爲道爲
恭儉莊敬之儒仲梁氏傳樂爲道以和陰陽爲移風易俗
之儒樂正氏傳春秋爲道爲屬辭比事之儒公孫氏傳易
爲道爲潔淨
精微之儒

倻

才過千人也從人交聲

子峻切

靈石楊氏

集韻庸人之敏謂之俊堯典克明俊德鄭注俊德賢才兼

人者月令命太尉贊傑俊注云傑俊能者也王制司徒

論選士之秀者而升之學曰俊士孟子俊傑在位注云俊

美才出眾者也萬人者稱傑申鑒力稱鳥獲捷言羌亥勇

期資育聖云仲尼壽稱彭祖物有俊傑不可誣也謝承後

漢書詔遣八使巡行風俗皆選有威名者同日而拜號曰八

俊後漢書黨錮傳俊者言人之英也詩羔裘三英粲兮傳

云三英三德也箋以為剛克柔克正直書立政曰三有俊傳

云能用剛柔正直三

德之俊與毛鄭義同

才過千人也者集韻引作才千人也本書初印本亦作才

千人後加過字小字本李燾本竝作材本書枋材十人也

廣韻智過千人曰儁書皋陶謨俊又在官鄭注才德過千

人為俊百人為又文子智過百人謂之傑十人謂之豪萬

人謂之英千人謂之俊楚詞九章誹俊疑傑兮王注千人

才為俊呂氏春秋孟夏紀命太尉贊傑備注云千人為俊

萬人為傑孟秋紀練桀萬注云才過萬人曰桀千人曰雋

淮南秦族訓故智過萬人者謂之英千人者謂之俊百人

者謂之豪十人者謂之傑明於天道察於地理通於人情

大足以容眾德足以懷遠信足以一異智足以知變者人

之英也德足以教化行足以隱義仁足以得眾明足以照
人者人之俊也行足以爲儀表知足以決嫌疑廉足以分
財信可使守約作事可法出言可道者人之豪也守職而
不廢處義而不比見難不苟免見財不苟得者人之傑也
春秋繁露故萬人者曰英千人者曰俊百人者曰傑十人
者曰豪一切經音義八智出千人曰傑謂英傑也詩汾沮
洳美如英傳云萬人爲英宣十五年左傳鄭舒有三雋才
注云雋絕異也正義引辨名記倍人曰戎叔作十人曰選
倍選曰雋千人曰英倍英曰賢萬人曰傑倍傑曰聖齊策
小國英傑之士高云才勝萬人曰英千人曰傑王注楚詞
大招云一國之高爲傑又云千人才曰豪萬人才曰傑傑
一本作俊鵬冠子博選篇故德萬人者謂之雋德千人者
謂之豪德百人者謂之英陸佃注毛詩傳曰萬人曰英記
曰五人曰茂十人曰選百人曰俊千人曰英今此又以萬
人曰俊百人曰英蓋莫可考矣呂氏春秋功名篇人主賢
則豪傑歸之注云才過百人曰豪千人曰傑周書蘇綽傳
古人云千人之秀曰英萬人之英曰雋

傑

傲也從人桀聲

渠列切

傲也者徐鍇本作欬也林過萬人也馥案傑欬義相近詩周頌有厭其傑傳云傑苗之先長者荀子非相篇天下之傑也注云倍萬人曰傑儒效篇其通也英傑化之注云倍千人曰英倍萬人曰傑

人姓從人軍聲 吾昆切

倬

人名從人及聲 居立切

人名者玉篇孔鯉子名倬字子思史記仲尼弟子列傳燕倬字思左傳衛宣公太子急詩二子乘舟序作倬

伉

人名從人亢聲論語有陳伉 苦浪切

論語有陳伉者論語作亢鄭注子禽弟子陳亢也檀弓作陳子亢注云子亢子車弟孔子弟子

伯

長也從人白聲 博陌切

長也者釋詁文舍人曰伯位之長也禮檀弓幼名冠字五十七以伯仲周道也白虎通伯者長也伯者子最長迫近父也釋名伯把也 把持家政也

靈石楊氏琴

時伊尹為太保衡方碑有伊尹在殷之世號稱阿衡因而氏焉又衡立碑其先出自伊尹阿衡官有為氏通鑑唐僖宗呼田令孜為阿父注云阿係也本書尹治也釋言尹正也春秋繁露湯受命變夏作殷作宮於下洛之陽名官曰尹史記殷本紀伊尹名阿衡索隱云孫子兵書伊尹名摯然解者以阿衡為官名呂氏春秋云有旻氏女採得嬰兒於空桑後居伊水命曰伊尹尹正也謂湯使之正天下



古文伊從古文夙

本書夙古

文作夙



高辛氏之子堯司徒殷之先從人契誓

私列切

本書竊下云禹古文僕嶠蟲也讀與僕同 五

五

經文字殷始祖經典多借契字為之與禹同 高辛氏之子者本書城帝高辛之妃僕母號也引詩有城方將殷本紀殷契母曰簡狄有城氏之女為帝嚳次妃三人行浴見玄鳥墮其卵簡狄取吞之因孕生契 堯司徒者書舜典帝曰契百姓不親五品不遜汝作司徒史記司

馬相如傳契不能計正義曰契爲司徒敷五教上四方會
計殷之先者史記殷本紀殷契索隱云契是殷家始祖

情

人字從人青聲東齊婿謂之倩

倉見切

人字也者漢人猶多以倩爲字如江充字次倩蕭望之字
長倩東方朔字曼倩東齊婿謂之倩者方言文史記倉

公傳黃氏諸倩徐
廣曰倩者女婿也

婦

婦官也從人予聲

以諸切

婦官也者漢書元后傳立太孫爲太子以母王妃爲婕妤
昭帝紀母曰趙婕妤顏注婕妤幸也仔美稱也故以名宮
中婦官外戚傳至武帝制婕妤好史記索隱訓婕爲承
婕仔視上卿比列侯石林燕語婕好史記索隱訓婕爲承
好爲佐字木皆從人大抵古人取訓各以其義適然者而
字多從省蓋便捷也乃相承敏捷之意字從省去才仔爲
相子則訓佐理亦宜然後
以爲婦職因易人爲文巨

志

志及衆也從人公聲

職昔切

志及衆也者通作公諡法立志及衆曰公
禮運大道之行天下爲公注云公猶共也

儂

慧也從人叢聲

許緣切

慧也者方言文注云謂慧了本書慧儂也譚譚慧也荀子
非相篇鄉曲之儂子楊倬注輕薄巧慧之子也韓非忠孝
篇今民儂謂智慧南都賦儂才
齊敏五臣注儂惠也惠卽慧

淡

安也從人炎聲讀若談

徒甘切

安也者一切經音義九引同廣雅俛靜也荀子仲尼篇俛
然見管仲之能足以託國也楊注俛安也安然不疑也
讀若談者東京賦剡韜卽詩
頭韜俛剡談覃聲並相近

倓

倓或從剡

倓

疾也從人旬聲

辭閏切

疾也者書秦誓王乃徇師而誓傳云徇循也正義云說文
云徇疾也循行也徇是疾行之意故以徇爲循也魏案徇

卽此例據經傳義當作徇或作迥定四年公羊傳朋友相
衛而不相迥注云迥出表辭猶先也疏云表謂其戰時旅
進旅退之限約迥者謂不
顧步伍勉力先往之意

倚

不安也從人容聲一曰華

余隴切

不安也者本書格動格也廣韻格不安又云踟躕不安
一曰華者玉篇格華婦官名史記外戚世家容華秩比二
千石漢書外戚傳至武帝制使仔姪娥格華充依各有爵
位依華視真二千石比太上造通作容魏志后妃傳太祖
建國始命王后其下五等有夫人
有昭儀有婕妤有容華有美人

儻

宋衛之閒謂華儻儻從人葉聲

與涉切

宋衛之閒謂華儻儻者廣韻儻儻輕薄美好
貌廣雅儻儻容也方言儻容也未術曰儻

佳

善也從人圭聲

古朕切

善也者廣雅同又云好也玉篇引楚詞斯佳治之芬芳兮
大招始脩沔浩麗以佳只淮南脩務訓形夸骨佳揚雄反

駭問中容競綽約兮想態以麗佳

𠄎

奇佷非常也從人亥聲

古亥切

奇佷非常也者字或作資淮南兵畧訓明於星辰日月之
逆制德奇養之數背鄉左右之便此戰之助也注云奇養
之數奇祕之數非常術通作咳史記倉公傳受其脈書上
下經五色診奇咳注云奇咳言奇祕非常術也又通作脈
漢書藝文志五行家有五音奇脈用兵
二十三卷五音奇咳制德二十一卷

傀

偉也從人鬼聲周禮曰大傀異

公回切

偉也者李善注江賦引同莊子列御寇篇蓬生之情者傀
釋文字林云傀偉也或借魁字廣雅魁大也又云魁岸雄
傑也荀子脩身篇倚魁之行非不難也楊倞注倚奇也魁
大也倚魁謂偏僻狂怪之行周禮曰大傀異者春官大
司樂文彼作大傀異
裁徐鍇本有災字

瑰

瑰或從玉裏聲

方言作儼云儼盛也儼自闢而西秦晉之闕語也玉篇
云儼聲類隗字或通作瑰史記司馬相如傳儼瑰琦

偉

奇也從人韋聲

于鬼切

奇也者李善注魏都賦引作大也廣雅偉大也周禮天下
翰步杜子春云翰讀爲奇偉之奇史記魯仲連傳好奇偉
儼儼之

份

文質備也從人分聲論語曰文質份份

府巾切

文質備也者文質當爲彰質本書彰德也嘖野人之言備
當爲苟本書苟具也廣雅彬文也揚雄甘泉賦望馬犀之
躡躡馥謂卽璘彬張衡西京賦璘璘康彬通作邠太元文
大因斐如邠如虎豹文如或作斌魏大和初公卿奏言夫
歌以誦德舞以象事於文文武爲斌臣等謹製樂舞名曰
章斌之武
論語曰文質份份者彼作彬彬包注彬彬文
質相半
之貌

𣎵

古文份從彡林林者從焚省聲

說文解字義聲

連筠蓂叢書

武彬彰

𠄎

好兒從人𠄎聲

力小切

好兒者詩佼人僚今傳云佼好貌
通作燎宋玉舞賦貌僚妙以妖冶

威儀

威儀也從人必聲詩曰威儀必必

必必切

威儀也者廣韻必威儀備也詩淇奥有斐君子韓詩作邶
美貌設謂邶即此必 詩曰威儀必必者小雅賓之初筵

文彼作必必釋
文云說文作必

𠄎

具也從人子聲讀若汝南游水虞書曰方鳩僇功

士

切

具也者李善注魏都賦引同 讀若汝南游水者本書無
游字 虞書曰方鳩僇功者堯典文馬注僇具也惠棟曰

引書後人所加非許氏本文

稷案遂下引書僇遂屏功

𨾏

長壯儼儼也從人叢聲春秋傳曰長儼者相之

長涉切

長壯儼儼也者壯廣韻引作狀廣雅儼長也春秋傳曰長儼者相之者昭七年左傳文彼作長儼者相並云儼須也楚語而使長儼之上相焉韋云長儼美須髯也昭十七年傳使長儼者三人潛伏於舟側注云長儼多髯鬚積案傳借儼字說者望文爲義不見古本也

儼

行兒從人庶聲詩曰行人儼儼

甫嬌切

行兒者詩釋文引同廣雅儼儼行也詩吉日儼儼侯侯傳云趨則儼儼行則俟俟通作庶趙應光曰鄭風駟介庶庶當用儼詩曰行人儼儼者齊風載驅文傳云儼儼衆貌

儼

行有節也從人難聲詩曰佩玉之儼

諾何切

詩曰佩玉之儼者衛風竹竿文傳云儼行有節度

儼

順兒從人委聲詩曰周道倭遲

於爲切

順兒者廣韻倭慎貌 詩曰周道倭遲

𠄎

𠄎也從人𠄎聲 一曰長兒

吐猥切又魚罪切

嫻也者玉篇嫻長好貌 一曰長兒

𠄎

高也從人喬聲

巨嬌切

高也者文十一年左傳獲長狄僑如列子說符篇異伎張

注云僑人山海經長股國郭注今伎家僑人象此 馮案北

倭

倭也從人矣聲 詩曰倭倭俟俟

牀史切

詩曰倭倭俟俟者小雅吉日 僊僊俟俟 韓詩作駮

倭

倭也從人同聲 詩曰神岡時倭

他紅切

倭也者徐錯引字書倭長大也 莊子庚桑楚釋文引字林

信

正也從人吉聲詩曰既信且閑

三切

詩曰既信且閑者小雅六月文傳云信正也

俛

大也從人吳聲詩曰碩人俛俛

魚禹切

詩曰碩人俛俛者邯鄲風簡兮文傳云俛俛容貌大也

江

大腹也從人工聲讀若紅

戶工切

大腹也者本古唯鳥肥大唯唯也唯唯當爲任任廣韻任身肥大也

單

疾也從人單聲周禮曰句兵欲無單

徒案切

周禮曰句兵欲無單者考工記虛人文彼作彈注云故書彈或作但鄭司農云但讀爲彈丸之彈彈謂掉也

健

伉也從人建聲

梁建切

伉也者一切經音義六引字林仍健也本書伉健大也廣雅伉健也易乾健也天行健君子以自強不息淮南齊俗

訓仇行以違俗

涼

疆也從人京聲

切

疆也者廣雅同本書勅疆也通

作競詩秉心無競無競維人

傲

倨也從人敖聲

切

倨也者本書夔易也寡矧也廣韻倨下云倨傲字書傲倨

且傷也一切經首義三傲謂不敬也廣雅傲傷也謂輕傷

也漫也字從人釋言傲悔傲也郭云傲慢也書堯典象傲

傳云傲慢不友益稷無若月朱傲曲禮傲不可長文九年

左傳楚子越椒來聘執幣傲杜云傲不敬襄二十九年傳

直而不倨杜云倨傲成十四年傳衛侯響苦成叔甯惠子

相苦成叔傲甯子曰苦成家其亾乎古之為亨食也以觀

威儀省禍福也今夫子傲取禍之道也昭二十五年傳云

徒釋甲執冰而踞正義云二十七年傳說此事云豈其伐

人而說甲執冰以游則此詭是游也曲禮曰游無倨倨是

慢也謂傲慢而游戲積案木書傲出游也呂氏春秋下賢

篇貴為天子而不驕歸注云倨傲也或作傲後漢書崔駰

傳生而
貴者傲

屹

勇壯也從人乞聲周書曰屹屹勇夫

魚說切

勇壯也者廣雅屹勇也又云屹屹武也宣六年公羊傳屹然從乎越盾而入何云屹然壯勇說漢書揚雄傳金人屹屹其承鐘虞兮斷注屹屹勇健狀聲光殿屹屹欺他以靡畋景福殿賦賦悍獸屹屹以儼陳通作屹漢書王褒傳故工人之用鈍器也勞筋苦骨終日屹屹如淳曰屹屹健生說周書曰屹屹勇夫者秦誓文傳云屹屹壯勇之夫漢書李尋傳秦穆公任屹屹之勇顏注屹屹壯健也

倨

不遜也從人居聲

居御切

不遜也者遜當為憇戰國策嫂何前倨而後恭也大戴禮曾子立事篇與其倨也寧何虛辯注倨倨慢也史記蔡澤傳及見之又倨鄙生傳不直倨見長者通作居漢書邳都傳丞相條侯至貴居也顏注居急傲讀與倨同

儼

昂頭也從人嚴聲一曰好兒

魚儼切

說文解字義詁 卷二十四

圭

通多 參 郭 書 靈 斥 楊 氏 琴

昂頭也者當為印淮南本經訓盤衍刻儼高注刻儼浮首

虎頭之屬 一曰好兒者韻會引徐鍇木下有一曰恭也

四字釋詁儼敬也曲禮儼若思詩澤陂頌大且儼傳云儼

矜莊貌通作嚴書無逸嚴恭寅畏釋文馬本作儼漢書匡

衡傳正 躬嚴恪 好兒從人參聲 倉含切

聊也者班馬字類引作賴也廣雅俚聊也又云賴也聊且

也聊當作僂本書僂且也通行聊字方言俚聊也注云謂

苟且也急就篇謾詆首恒愁勿聊顏注勿聊無聊賴也秦

策百姓不聊生高云聊賴楚詞歲暮兮不自聊漢書季布

傳其畫無俚之至耳晉灼曰計畫無所聊賴 通作理孟子稽大不理於口趙注理賴也

伴 大兒者詩卷阿伴奭爾游矣傳云伴奭廣大有文章也通作胖大學心廣體胖注云胖猶大也

陔

大也從人奄聲

於業切

大也者
廣雅同

武

武兒從人閒聲詩曰瑟兮僂兮

下簡切

武兒者荀子榮辱篇陔者俄且僂也注云僂與陔同猛也
方言晉魏之閒謂猛爲擗昭十八年左傳今執事僂然授
兵登陔服注僂然猛貌也詩曰瑟兮僂兮者衛風
淇奥文傳云僂廣大也韓詩云僂美貌皆非本書義

伍

有力也從人丕聲詩曰以車伍伍

敷悲切

有力也者徐鍇曰魯有力人曰秦董父好勇名其子曰丕
茲取此義詩曰以車伍伍者魯頌駉文傳云伍伍有力
也

彊

彊力也從人思聲詩曰其人美且偲

存才切

強力也者詩釋文引作彊也廣韻偲多才也
詩曰其人美且偲者齊風盧令文傳云偲才也

卓

箸大也從人卓聲詩曰倬彼雲漢

竹角切

著大也者詩釋文引作大也詩倬彼甫田韓詩作到云卓也木書荊下云艸大也爾雅荊大也詩韓交有倬其道箋云倬然著明桑柔倬彼昊天箋云倬明大貌詩曰倬彼雲漢者大雅棫樸雲漢並有此文棫樸傳云倬大也雲漢釋文云倬王云著也

倬

長兒一曰箸地一曰代也從人廷聲

他鼎切

長兒者廣韻倬直也通俗文平直曰倬韓詩偁桀倬也一曰箸地者吾鄉謂倒地臥爲倬一曰代也者方言倬代也江淮陳楚之間曰倬廣雅倬代也

輔

輔也從人叻聲讀若陪位

步崩切

輔也者謂輔比羣輔也釋詁比備也郭注備猶輔易比卦彖比輔也論語君子周而不比鄭注阿黨爲比管子幼官篇練之以散羣劬署注云劬猶曹也讀若陪位者木書郝讀若陪

扇

熾盛也從人扇聲詩曰豔妻扇方處

式戰切

熾盛也者扇通作煽釋言煽熾也熾盛也又通作扇列子黃帝篇扇赫百里詩曰豔妻扇方處者小雅十月之交文彼作煽傳云煽熾也釋文煽說文作扇

敬

戒也從人敬聲春秋傳曰傲宮

居影切

戒也者廣雅同易震驚百里鄭注驚之言傲戒也書大禹謨傲戒無虞又云洛水傲子傳云傲戒也詩柏舟耿耿不寐傳云耿耿猶敬也韻案耿耿警警不安也成十六年左傳申宮傲備杜注申飭宮備又云退舍於夫渠不傲杜注不傲備昭十九年傳商成公傲司宮哀九年傳吳子使來傲師伐齊魯語夜傲百工韋注傲戒也韓策乃傲公仲之行魏注傲戒備春秋傳

曰傲宮者襄九年左傳文

淑

善也從人叔聲詩曰令終有淑一曰始也

昌六切

善也者通作淑詩關雎窈窕淑女韓奕淑旂綴章傳並云淑善也抑淑慎爾止箋云善慎女之容止君子偕老子之

通鑑纂要書
靈石楊氏葉

不淑箋云為不善之行燕燕淑慎其身鳴鳩淑人君子中
谷有推遇人之不淑矣桑柔其何能淑鼓鐘淑人君子中
水淑問如皋陶箋竝云淑善也雜記寡君使某如何不淑
注云淑善也 詩曰令終有淑者大雅既醉文傳云淑始
也 一曰始也者釋詁文本書淑始也書允征淑擾天紀
傳云淑始也詩載芟淑載南畝聘禮燕與羞淑獻無常數
注云始獻四時新物無常數也隱元年公羊
傳淑甚也何注淑始怒也穀梁淑字元始

庸

均直也從人庸聲

余封切

均直也者玉篇庸均也直也釋言庸均也詩節南山吳天
不庸傳云庸均柏舟釋文引韓詩直相當值也史記高漸
離乃變姓名為庸人庸係欒布傳窮困貨庸於齊為酒家係
注云酒家作係庸也鵲冠子伊尹酒係立為世師史係盧
昭美係為酒家係後漢書杜根為宜城山中酒家係注云
言為庸也後周書樂運積年為人係係通作庸齊策為莒
太史家庸夫鮑注庸係同均直也
史記司馬相如傳與係庸雜作

儻

仿佛也從人愛聲詩曰優而不見

鳥代切

仿佛也者徐鍇曰見之不明也禮曰倭然有見乎其位集
韻倭佛仿佛也廣韻倭佛看不了貌腎頰倭音倚倭佛仿
佛也又云倭佛一作瓌象倭佛不明莫如其也通作愛列
子黃帝篇不假不愛釋文不假不倭謂或隱或見字林云
假仿佛兒不審也又通作菱太元管管之離注云管管猶
菱菱又或作暖楊慎曰班固終南山賦暖鵬晦焉若鬼若
神注暖鵬音愛連雲霧吐吞障蔽天日變化殊形也韻會
暖鵬不明貌一作暖鵬字書或從雲作暖或從日作暖皆
蔽而不見之意宋玉高唐賦鵬兮若蛟姬揚袂障日而望
所思以揚袂障日解暖字尤明白詩曰倭而不見者邴
風靜女文彼作
愛傳云愛蔽也

仿

相似也從人方聲

妃同切

相似也者一切經音義二仿佛古文作𠄎𠄎聲頰作𠄎𠄎
謂相似見不諦也韻案或作彷彿賈誼早雲賦時彷彿而
似有

𠄎

籀文仿從𠄎

易林仍如旦饗
言仿佛似朝饗

佛

見不審也從人弗聲

敷勿切

見不審也者李善注西京賦引作見不諦也注長門賦引作見不誼也又云誼與諦同注甘泉賦云仿佛相似視不誼也誼卽諦字音帝徐鍇本作誼鍇曰誼諦也漢書敘傳學微術昧或見仿佛

瞽

瞽也從人悉瞽讀若肩

私列切

瞽也者釋言文玉篇僖小瞽也廣韻僖偏動也又云動草瞽讀謂悉與義取此讀若肩首字書僖與偏同爾雅釋文僖音肩字又作偏腹案漢書武帝紀肩然如有聞郭璞說斯義切切作瞽卽肩本書肩動作切切也

儼

精謹也從人幾聲明堂月令歲將儼終

巨衣切

精謹也者玉篇儼精詳也通作幾周禮幾其出入又曰幾出入不物者又曰幾酒謹酒聘義日幾中而後禮成明堂月令歲將儼終者歲玉篇作數徐鍇本亦作數集韻頡篇引同周禮占夢亦同月令季冬之月日窳於次月窳於

紀星回於天數將歲終周書小開武解九紀一辰以紀日
二宿以紀月三日以紀德四月以紀刑五春以紀生六夏
以紀長七秋以紀殺八冬以紀藏九歲以紀終

仲

負何也從人它聲

徒何切

負何也者六書故背負曰佗何奴奇畜有紫佗肩背有肉
峯隆起若蒙能佗重載故以名之方言自關而西隴冀以
往凡以驢馬馱載物者謂之負佗高注戰國策道代良
馬橐佗通作它新唐書裴仙先傳以橐它載金幣賓客或
作駱駝外國圖大秦國人
長一丈五尺好騎駱駝

何

偕也從人可聲

胡歌切

偕也者一切經音義十四引何又云穀梁傳曰何負也今
皆作荷玉篇何克負也廣雅何任也又云擔也小爾雅廣
言何任也又云擔也易大畜何天之衢梁武帝音荷云負
也鄭注艮爲手手上肩乾爲首首肩之閉何物處嗙嗙何
校減肩荷爽曰爲五所何故曰何校孔穎達曰何謂擔何
詩無羊何裝何笠俟人何戈與殿傳並云何揭元鳥百祿

是何傳云何任也箋云謂當僭負天之多福北山或王事
鞅掌箋云鞅猶何也掌謂捧之也負何捧持以趨走漢書
外戚傳何性命之淑靈顏注何任也負也通作荷釋天何
鼓謂之牽牛郭云今荆楚人呼牽牛星爲繫者繫者荷也
古今人表何贊論語作荷詩滿人傳云重喬繫荷也昭七
年左傳其子弗克負荷杜注荷擔也昭二十一年傳廝人
濮以裳裹首而荷以走宣六年
公羊傳有人荷畚注云荷負也

僭

何也從人僭聲

都甘切

何也者本書僭何也玉篇僭任也何也齊語負任僭何卓
云肯曰負肩曰僭漢書欽傳僭后之畜黜通傳守僭后之
顧顏注僭者一人之所負擔也世說令婢路上僭糞或作
擔釋名擔任也任力所勝也莊二十二年左傳弛於負擔

設

設也從人共聲一曰供給

俱容切

設也者玉篇設置也賈誼書平素而無設備也後漢章帝
紀無得設備時木書具共置也共當作供釋詁供具也
一曰供給者本書龔給也釋名恭亦言供給事人也書無
逸文王不敢盤于游用以庶邦惟正之供曲禮供給鬼神

檀弓黃宰夫也非刀匕是供僖元年左傳敢不供給秦策
寡人之國貧恐不能給也高云給供通作共書彞典汝共
工傳云共謂共其職事隱九年左傳宋公
不王杜注不共王職釋文共亦作供

待

待也從人從待

直里切

待也者一切經音義十二引作待也儲待具也又十三引
作儲待具也亦待也李善注曹子建贈丁翼詩引作待也
一曰具也按玉篇待待也具也廣韻待待儲也具也漢書
平帝紀天下吏舍亡得置什器儲待孫寶傳更爲除舍設
儲待外賦傳主見所備美人顏注儲待儲也周語荀而畜
獨韋云儲具也齊策今君到楚而受梁牀所未至之國將
何以待君高云云待猶共也獻帝紀我邸國儲待少羽獵
賦器械儲待論衡祀義篇鬼神自有儲待耶將以人舍爲
儲待也風俗通今語有亭待益行旅宿舍之所館也漢張
壽碑儲待非法悉無所留宋書禮志江左御出又載儲待
之物通鑑蕭衍既行舟中兵及儲待皆虛注云積物以待
用謂之待通作待釋詩具也舍人本作侍書費嘗時乃
模糧傳云皆常儲待東觀漢記俗每太守將交代添設儲
峙輒數十萬北史于翼傳武帝既親萬機將國東討詔邊
竟文岸字良登

城鎮拉益儲峙又作峙崔寔政論吾乃賣儲峙得二十餘萬又通作峙詩臣工序乃錢鏐傳云序具也鄭注考工記

引詩作峙

峙

峙也從人諸聲

直魚切

峙也者一切經音義三引同人云儲峙也儲亦備也謂畜物以為備曰儲也釋名桃諸藏桃也諸儲也藏以為儲峙給冬月用之也漢書五行志儲正徒顏注儲峙也西都賦行止朝夕儲不改供五臣云朝夕行止不改易其儲蓄俱具也

備

慎也從人葡聲

平祕切

慎也者書說命有備無患倍五年左傳凡分至啟閉必書雲物為備故也

降

古文

位

列中庭之左右謂之位從人立

于倚切

列中庭之左右謂之位者釋
宮文郭云羣臣之側位也

宿 導也從人賓聲

必刃切

儀禮鄉爲上賓注云賓爲主國之君所使出接賓也周禮
大宗伯朝覲會同則爲上相注云相詔王禮也出接賓曰賓
人詔禮曰相又云王命諸侯則賓注云宿進之也司儀掌九
儀之賓客摺相之禮注云出接賓曰摺入贊禮曰相家語
弟子行篇宿摺相兩君之事東觀漢記大鴻臚屬官有治禮
郎三十七人主齋祠宿贊九賓之禮漢雜事陳雷太守入
爲鴻臚不任宿贊還官齊職儀魏侍中掌宿贊

導也者廣雅同通作賓書堯典寅賓出日徐邈讀爲宿史
記作敬道出日辭典賓于四門鄭注賓讀爲宿謂辨爲上
賓以迎諸侯漢書律歷志稷賓之導也言陽氣始導陰氣
始養物也武君億曰禮運昔者仲尼與於蜡賓舊讀從賓
字絕句攷此宜作與於蜡爲讀賓而退連讀以助祭既畢
遂退也賓當作宿鄭注時孔子士魯在助祭之中既云助
祭則當爲相禮也

儻 儻或從手

倜 倜也從人屋聲

於角切

倜倜也者李燾本作倜也類篇引同本書初印亦如此後乃加之本書峻倜倜也韻會坡音詮

倜 倜倜仙人也從人全聲

此緣切

倜倜仙人也者史記司馬相如傳倜倜之倫索隱韋昭云古仙人姓倜列仙傳云槐里采藥父也倉松形體生毛數寸方眼能行逮走馬也顏注漢書引郭璞曰倜倜仙人也倉松子而眼方甘泉賦雖方征僑與倜倜兮五臣注古仙人名張繼南征賦偶南榮之倜倜抱朴子釋滯篇唐堯之有四海可謂太平也而倜倜不佐焉

倜 倜也從人聃聲

商涉切

心服也者本書聃服也

倜 倜也從人勻聲

徒歷切

約也者約或作約釋天奔星爲約約御覽七十二說文惟水上橫木所以渡也亦曰約今謂之畧約廣韻約橫木渡水

齊

等輩也從人齊聲春秋傳曰吾儕小人

仕皆切

等輩也者一切經音義一字林儕等也儕猶輩類也成二年左傳況吾儕乎僖二十三年傳晉郤同儕杜注茲云儕等也樂記故先王之喜怒各得其儕焉注云儕猶輩類春秋傳曰吾儕小人者言十一年左傳文

倫

輩也從人侖聲一曰道也

力屯切

輩也者急就篇名顯絕殊異等倫曲禮疑人必於其倫衛策勝黃城則功大名美內臨其倫鮑云臨其等倫之人漢書甘延壽傳投炬超距絕於等倫一曰道也者本書倫下云倫理也祭統夫祭有十倫焉

齊

齊等也從人牟聲

莫浮切

齊等也者字林同廣雅侂齊也中山叢何侂名於我高云侂等沈約詩昔賢侂時雨

借

疆也從人皆聲詩曰借借士子一曰俱也

古謂切

詩曰借借士子者小雅北山文傳云借借強壯貌一曰俱也者詩陟岵夙夜必借擊鼓與子借老傳竝云借俱也杜卜筮借止箋云借俱莊七年左傳星隕如雨與雨借也借二十四年左傳與女借隱杜注竝云借俱也孟子古之人與民借樂

注云借俱也

借

借也從人具聲

舉朱切

借也者本書旅下云以俱也案從隨行也齊策衍吾借也而儀與之俱高云俱借也

借

最也從人贊聲

作管切

最也者本書最又曰會廣韻借聚也集韻聚而計事曰最通作纂漢書藝文志揚雄作訓纂篇又通作攢潘岳笙賦吹噤歌爽下何攢攢攢聚貌

借

竝也從人并聲

卑正切

竝也者本書竝併也大射儀下射升上射則竝行注云竝併也通作井釋名井者兼井也王制輕任井重任分釋文并本又作併春秋上命苞井之爲言精合交并太原地記并州不以衛水爲號不以恆山爲稱而云并者蓋以兩國之閒乎

傳

相也從人尊聲

方遇切

相也者廣韻傳相也玉篇太傅太保相天子也大戴禮係傳篇傳傳之德義倍二十八年左傳鄭伯傳王杜云傳相也馥案漢諸王有傳有相

傳

惕也從人式聲春秋國語曰於其心忒然

恥力切

惕也者廣雅忒慎也玉篇慎心動也春秋國語曰於其心忒然者吳語文彼作威玉篇引作忒云忒猶惕也

輔

輔也從人甫聲讀若撫

芳武切

輔也者埤蒼同釋詁輔輔也郭云輔猶輔也復謂輔當爲誦本書誦人相助也

倚 依也從人奇聲於綺切

依也者韻集倚偃也集韻偃倚也禮器有司跛倚以臨祭注云依物為倚秦策北倚河高云倚猶依也

倚 倚也從人衣聲於稀切

倚也者書君陳毋依勢作威毋倚法以削論語依於仁何晏曰依倚學記不學博依不能安詩正義謂依倚譬喻也宋玉招魂彷彿無所倚王注倚依也

仍 因也從人乃聲如乘切

因也者釋詁文類篇仍說文因也關中語本書仍因也書顧命華玉仍凡傳云仍因也周禮司几筵因事仍几鄭司農云仍因也論語仍舊貫鄭注仍因也

便 便利也從人次聲詩曰泂拾既飲一日遞也七四切

便利也者漢書宣帝紀應募飲飛射士服虔曰周時渡江越人在船下負船將覆之伏飛入水殺之漢因以材力名

官如淳曰呂氏春秋荆有茲非得寶劍於王將渡江中流
兩蛟繞舟茲非拔寶劍赴江刺兩蛟殺之荆王聞之任以
執主後世以爲勇力之官茲伏音相近臣瓚曰本秦左戈
官也武帝改曰伏飛在上林苑中結增徽弋鳧雁歲萬頭
以供祀宗廟許慎曰伏便利也便利增徽以弋鳧雁故曰
伏飛漢傳儀仗飛具增繳以射鳧雁漢書百官公卿表武
帝太初元年更名左弋爲伏飛伏飛字弋射詩曰決拾
既伏者小雅車攻文傳云伏利也一日遞也者廣雅伏
代也通作恣方言恣代也郭云
今俗亦名更代作爲恣作也

佰

伏也從人巨聲

仍吏切

伏也者徐鍇本作次也廣韻佰次也釋言佰或也郭云佰
次爲副貳司馬遷報任安書僕又佰之獄室如淳曰佰次
也若人相次也檀案本
書訓伏取更遞副貳意

健

伏也從人建聲

子果切

伏也者廣雅健疾也方言宋楚之間謂之健注
云言便捷也通作捷漢書陳方湖傳捷若慶忌

侍 承也從人寺聲 時吏切

釋名侍時也尊者不言常於時供所當進者也 孝經曾子侍釋文卑在尊者之側曰侍 詩百兩御之王肅云御侍也

承也者廣雅同徐錯曰承其不及也故傳曰孔子有云言

語不修子貢侍節小失公西華侍是也 後案史記魏世家

公仲連進牛畜荀欣徐越畜侍以仁義

欣侍以舉賢使能越侍以節財儉用

頃 仄也從人從頃頃亦聲 去營切

仄也者仄當為矢本書矢傾頭也 玉藻頃容直注云不傾

也荀悅申鑒仄弁垢頰不鑿於明鏡矣抱朴子明鏡舉

則傾冠 見矣

側 旁也從人則聲 阻力切

書洪範無反無側 曲禮倒筴側龜於右前有誅注云側反

側也 詩召南在南山之側 史記平準書公卿請令京師

鑄鍾官 亦側

一動也者廣雅同曲禮傾期表注云碎頭旁視心不正也傾或爲側馥案側通作仄漢書五行志載董仲舒災異對云視近臣在國中處芻仄及貴而不正者忍而誅之

𡗗

宴也從人安聲

烏寒切

宴也者當爲晏本書晏安也經典通作安禮表記君子莊敬曰強安肆曰偷閔元年左傳宴安耽毒倍二十三年傳懷與安實敗名漢書人表齊晏孺子顏云卽安孺子

𡗘

靜也從人血聲詩曰閔宮有恤

況逼切

靜也者書禮典惟則之恤哉史記作靜集解引書作謐木書謐靜語也詩曰閔宮有恤者魯頌閔宮文傳云恤謐靜也顧案靜當作靖通行靜字

𡗙

與也從寸持物對人

方遇切

與也者常爲與或爲予廣雅付予也玉篇書云皇天既付付與也通作孚書高宗彤日天既孚命正厥德臣經作付

漢書孔光傳引作付釋之曰民不順德天既付命罰之從寸持物對人者當云從又持物對人又手也又下一畫即物也韻會小補引徐錯曰又手也會意

俾

使也從人粵聲

皆丁切

使也者讀如使酒之使詩桑柔荜云不逮俾云荜使也小必莫子荜蜂爾雅作粵羊集韻縹絳使也本書俾使也絳使也徐錯本作俠也篇曰任俠也類篇亦引作俠集韻同本書粵俠也三輔謂輕財者為粵俠俾也廣雅粵俠也

俠

俾也從人夾聲

胡類切

俠也者史記季布傳為氣任俠集解俠俾也

儻

儻何也從人亼聲

徒干切

儻何也者增韻引作態也廣韻儻態也韻增韻本引廣韻誤僞說文

俛

行兒從人先聲

所臻切

行兒者一切經音義七引作伉伉往來行兒也玉篇伉往來伉伉行替詩云伉伉征夫也酸案詩作賦賦音萃孟子伊尹耕於有莘之野莘伉替相近伊尹之母呂氏春秋云有伉氏女是也楚詞招魂往來伉伉些注云伉伉行替也通作媵上林賦媵媵備

𠄎

舉也從人從印

魚兩切

易繫辭仰以觀於天文樂記執其

千戚習其俯仰
舉也音
廣雅同

𠄎

立也從人豆聲讀若樹

常句切

立也者倝玉篇作倝別有倝字云倝倝輕薄也廣韻倝與封同無倝字讀若樹者當爲封本書封立也讀若駐

𠄎

倝兒從人倝聲一曰嬾解

諸狠切

荀子不苟篇竊則弃而倝韓詩外傳作弃而累積案倝卽此倝累隸通猶濕水作濕水

承兒者老子王弼本儻儻兮若無所歸河上公本作垂垂兮 一曰懶解者徐錯本作懶懈王篇引同廣雅儻懶也又云儻儻疲也廣韻儻極困也釋言謹諉累也列子力命篇眠甦謹諉勇敢怯疑四人相與游於世注云謹諉煩重貌

𡗗

安也從人丕聲

別臥切

安也者性通作坐樂 廣詩丈人且安坐

𡗘

揚也從人再聲

處陵切

揚也者廣韻備宣揚美事通作稱禮祭統銘者自名以稱揚其先祖之美詩七月稱彼兕觥稱觥與揚解意同漢書季布傳使僕游揚 足下名於天下

伍

相參伍也從人從五

疑古切

桓五年左傳先偏後伍杜云五人為伍 司馬法五人為伍 六韜田里相伍 周禮小宰八成一曰聽政以比居先鄭

云比居謂伍籍也。比地爲伍，因內政寄軍令，以伍籍發軍起。役者平而無遺脫也。孫子謀攻篇全伍爲上，破伍次之。又兵勢篇凡治衆如治寡，分數是也。注云：部曲爲分，什伍爲數。尉繚管子故五人而伍十人，而什百人，而卒千人，而率萬人。而將尉繚管子立政篇十家爲什，五家爲伍，什伍皆有長焉。又度地篇令曰：常以袂歲末之時，閱其民案家人比地，定什伍。口數馥案周禮小司徒及三年則大比，注云：大比謂使天下史簡閱民數及其財物也。鄭司農云：五家爲比，爲名。今時八月案比是也。漢書大聚解五戶爲伍，以首爲長，十夫爲什。以年爲長，漢舊儀五人爲伍，伍長一人。說苑堅其行陣，連其什伍。史記白起傳於是免武安君爲士伍。李衛公問對太宗曰：伍家有數法，執者爲要，靖曰：臣案春秋左氏傳云：先偏後伍，又司馬法曰：五人爲伍，尉繚子有束伍令漢制有尺籍伍符，後世符籍以紙爲之，於是失其制矣。臣酌其法自五人而變爲二十五人，自二十五人而變爲七十五人，此則步卒七十二人，甲士三人，之制也。舍車爲騎，則二十五人當八馬，此則五兵五當之制也。是則諸家兵法唯伍法爲要。小列之，五人大列之，二十五人參列之，七十五人又總參其數，得二百七十五人，三百人爲正，六十人爲奇。此則百五十人分爲二正而三十人分爲二奇，蓋左右等也。權苴所謂五

人為伍十伍為隊至今因之此其要也 韓詩外傳古者八

家而井田方里為一井廣三百步長三百步為一里其田九

百畝廣一步長百步為一畝廣百步長百步為百畝八家為

鄰家得百畝餘夫各得二十五畝家為公田十畝餘二十畝

共為廬舍各得二畝半八家相保出入使守疾病相憂患難

相救有無相貸飲食相召嫁娶相謀漁獵分得仁恩施行是

以其民和親而相好詩曰中田有廬疆場有瓜今或不然合

民相伍有罪相伺有刑相舉使構造怨仇而民相殘傷和睦

之心賊仁思害士化所和者寡欲敗者多

於仁道混焉詩曰其何能淑載胥及溺

相參伍也者增韻參伍三相參為參五相伍為伍易繫辭

參伍以變正義參三也伍五也或三或五以相參合以相

改變昭元年左傳五乘為三伍杜云乘車者車三人五乘

十五人以五人為伍分為三伍韓非子參之以比物伍之
以合虛荀子注引作伍之以合參急就篇戎伯總問什伍
鄰顏注戎謂編士卒之列也百人為伯則置長以總統問
視之也五人為伍二伍為什五家為鄰又依此法各有部
著安居服役皆遵制令無乖刺也又云變闢殺傷捕伍鄰
顏注有犯變闢殺傷者則同伍及鄰居之人皆披收掩也
襄三十年左傳盧井有伍注云九夫為井使五家相保尉

線子束伍令云五人爲伍共一符收於將吏之所匹伍而得伍當之得伍而匹有賞匹伍不得伍身厥家殘漢書馮唐傳安知尺籍伍符李奇曰伍符軍士五五相係之符信也如淳曰伍符亦什伍之符要節度也史記索隱云伍符者命軍人伍伍相係不容奸作也續漢書百官志民有什伍注云什主十家伍主五家以相檢察

相十係也從人十

是執切

周禮小宰會其什伍而教之道藝注云五人爲伍二伍爲什昭元年左傳以什共車必克杜云更增十人以當一車之用正義云周禮十人爲什襄十三年傳使其什吏正義云什吏謂十人長也漢舊儀十人爲什什長一人漢書鼂錯傳什伍俱前顏注五人爲伍二伍爲什鹽鐵論什伍相連

相什係也者係當爲什本書序相次也徐鍇曰什五家爲什使之相係鄭注係猶任也管子小匡篇故卒伍之人人與人相係家與家相愛吳子圖國篇鄉里相比什伍相係尉繚子伍制令軍中之制五人爲伍伍相係也十人爲什什相係也五十人爲屬屬相係也百人爲閭閭相係也伍有

干令犯禁者揭之免於罪知而弗揭全任有誅付有干令犯禁者揭之免於罪知而弗揭全屬有誅闕有干令犯禁者揭之免於罪知而弗揭全闕有誅夫什伍相結上下相聯無有不得之姦無有不揭之罪史記商君列傳令民爲什伍索隱劉氏云五家爲什十家相連也正義云或爲什伍或爲伍係北史高祖傳設禁賊之方令五五相保若盜發則連其坐

佰

相什佰也從人從百

搏陌切

顏注急就篇百人爲佰 尉繚子使什伍如親戚卒佰如朋友又分塞令佰有分地營其溝洫而明其塞令使非百人無得通非其百人而入者佰誅之

相什佰也者周書太子晉解士率衆時作謂之曰佰淮南兵畧訓正行伍連什佰史記秦始皇本紀崛起於什佰之中論衡量知篇不曉什佰之陣不知擊刺之術者彊使之軍軍覆師敗無其法也

偪

會也從人昏聲詩曰曷其有偪一曰偪偪力兒

古活切

台也者廣韻會計曰佻通作括詩車墨德音來括傳云括會也釋文括本又作佻 詩曰易其有佻者王鳳君子子役文傳云 佻會也

佻

合也從人合聲

古杏切

合也者廣韻佻併佻聚玉篇佻合取也取當爲聚王制不能五十里者不合於天下注云合會也論語始有曰苟合矣注云 合聚也

紕

妙也從人從支豈省聲

無非切

戴侗曰唐本豈在旃部曰豈見其旃也 通作微成上四年左傳春秋之綱微而顯老子博之不得名曰微 妙也者李善注文賦引同本書無妙字漢書張安世傳宣帝下詔曰朕微眇時張賀輔道朕躬祭義雖有奇邪而不治者則微矣注云微猶少也列子釋文微少也

𠂔

𠂔也從人原聲

魚怨切

點也者方言點慧也通作
原論語鄉原德之賊也

𠄎

起也從人從亼

則洛切

起也者釋名同易乾卦聖人作而萬物覩釋文作鄭云起也書無逸作其卽位鄭注作起也說命作我先王傳云作起詩桑柔作爲式穀苞伯作爲此詩箋竝云作起也鄉飲酒記以爵拜者不徒作周禮大司馬進興功以作邦國考工記作而行之槽弓孔子蚤作鄭注竝云作起也襄二十三年左傳今君闕普之亂而後作焉杜云作起兵也通鑑元魏詔罷起部無益之作注云起部掌百工之事書曰百工起哉綾諸起部猶將作大匠釋天太歲在西曰作罷李巡云作罟皆物

因枝起之兒

𠄎

非眞也從人改替一曰至也虞書口假于上下

古正切又

古頷切

非眞也者延後人所加古無言眞假者但曰實口僞襄十八年左傳使乘車者左實右僞是也木書眞字亦不言假

借

假也從人昔聲

頁昔切

徐鉉所加

借

漸進也從人又持帚若埽之進又手也

七林切

漸進也者通作浸易臨卦剛浸而長史記武帝紀天子始巡郡縣發守於秦由封禪書作浸尋莊子大宗師浸假而化子之左臂以爲雞浸假而化子之右臂以爲彈浸假而化子之尻以爲輪

價

賣也從人賈聲

余六切

賣也者集韻作買周禮司市以量度成價而徵價注云價賈也物有定價則買者來也疏云此字所訓不定案下文

兌之降

兌之降

連筠徐叢書

所云貨債者鄭注貨賣之鄭亦望文為義故注不同也又
 舊師察其詐為飾行債惡者注云鄭司農云債賣也謂行
 且賣效偽惡物者左謂使人行賣惡物於市巧師之令欺
 誑買者疏云此經明債為責不得為買上文每云賣債不
 得為債故為買是鄭望文為義故不定也又賈師凡天忠
 禁貴債者注云謂若沽米穀棺木貴賣之又云凡國之賣
 債各帥其屬而鬪掌其月注云債買也該案此如酷字亦
 買賣無定調也徐結本作見也釋詁禮見也廣事觀見也
 易困卦三歲不覿春秋莊二十四年大夫宗婦觀用幣
 公羊云覿者何見也禮郊特牲不敢私覿論語私覿

候 何望也從人侯聲 切 胡邁

書禹貢五百里侯服傳云侯也斥侯而服事正義襄十八
 年左傳稱晉人代齊使司馬斥山澤之險斥謂檢行之也斥
 候謂檢行險阻伺候盜賊此五百里主為斥候而服事天子
 宣十二年左傳前茅慮無杜云慮無如今軍行前有斥候
 隨伏皆持以絳及白為幡見騎賊舉絳幡見步賊舉白幡備
 慮有無也成二年傳司馬司空輿帥候正亞旅皆受一命之
 服杜云候正主斥候襄十八年傳晉人使司馬斥山澤之險
 杜云斥候也 六韜凡帥師之法當先發遠候去敵二十里

審知敵人之所托 秦策韓必爲關中之侯而魏亦關內侯
矣高云爲秦察諸侯動靜趙策侯者來言而王弗聽東周策
告東周之侯曰今夕有姦人當入者矣侯得而獻東周
經援神契侯候也所以守蕃也 史記律書頰且堅邈設侯
環濟要畧庶子授八次八舍之職以徵侯 衛公兵法書
日逐高要處安置斥侯以視勅靜 通鑑王僧達自侯道南
奔注云侯道同候邇上警急之道

也今沿路列置烽臺者卽侯道
何望也者木書無同字廣雅侯望也周禮有侯人官十二
年左傳豈敢辱侯人杜云侯人謂同侯望敵者昭二十三
年傳明其伍侯杜云使民有部伍相爲侯望史記李將軍
傳然亦遠斥侯索隱按許慎注淮南云侯視也望也漢書
貢禹傳垂北邈亭塞侯望傳介子傳樓蘭王安歸常爲何
奴候遮漢使者顏注言爲匈奴之間而侯同後漢書光武
紀築亭候注云亭候伺候望敵之所後周書韓果善何敵
虛實有潛匿溪谷者果登高之所疑處往必有獲由是以
果爲侯候都督通鑑魏設酒禁增置內外侯官伺
察諸曹及州鎮又云隋文帝量置侯人以伺勅靜

償

還也從人賞贖

會章切

盡 后 楊 氏 某

還也者老子以道佐人主者不以兵強天下其事好還本
書負下云受貸不償倍十五年左傳西鄰責言不可償也
杜云不可報償檀弓季子皋葬其妻犯人之禾申祥以告
曰請庚之注云庚償也漢書雋不疑傳或誤持同舍郎金
夫同舍郎疑不疑
不疑買金償之

陸

材能也從人董督

渠 杏 切

僅四年穀梁傳以桓公得志為
僅矣 周語余一人僅亦守府

材能也者字林作才徐鍇本同鍇曰僅能如此是才能如
此才始詞也本書考老人行才相速況財溫水撻刺之財
至也後漢書馬援傳但取衣食裁足廣積僅纒也纒僅也
華嚴經晉義僅纒能也漢書杜欽傳迺為小冠高廣材二
寸顏注材與纒同漢書量鍇傳遠縣纒至注云纒淺也猶
云僅至也李陵答蘇武書僅乃得免李善云何休公羊傳
注僅纒也韻謂材財裁纒
皆同聲假借當以才為正

伐

更也從人弋督

徒 耐 切

更也者方言更代也玉篇引書天工人其代之莊子尸祝不越俎而代之

儀

度也從人義聲

魚羈切

度也者度謂材度詩烝民我儀圖之漢書外戚傳皆心儀霍將軍女顏注心儀卽心擬

傍

近也從人旁聲

步光切

近也者廣雅同李善注邱遲詩引作附也賈誼書成王之生仁者養之孝古強之四聖傍之

仁

象也從人已聲

詳里切

六書故唐本無仁字其古字作𠂔象也用也

象也者管子七法篇似也類也比也狀也謂之象賈誼旱雲賦鬼墜崇以崔嵬兮時彷彿而有似

便

安也人有不便更之從人更

芳連切

安也者廣雅同墨子天志中篇百姓皆得煖衣飽食便寧無憂荀子議兵篇汝所謂便者不便之便也所謂仁義者

大便之便也顏注漢書凡言便殿便宮便坐者所以就便安也人有不便更之從人更者字統人有不善更之則安故從更從人

任

任也從人壬聲如林切

任也者廣雅同周禮大司徒令五家為比使之相保注云任猶任也魏策大王已知魏之急而救不至者是大王籌策之臣無任矣淮南說山訓不孝弟者必謂父母生子者所不能任其必孝也然猶蒼而長之高注任任也漢書樂布傳竇困賣備於齊為酒家保顏注為保言可任使馥案廣雅保任於云使也後漢書杜根傳因得逃竄為宣城山中酒家保注云言為人備力保任而使之也

俚

譬諭也一曰聞見從人從見詩曰俚天之妹苦甸切

譬諭也者詩釋文正義後漢書胡廣傳注引並同一曰聞見者當為閒俚釋言閒俚也郭云左傳謂之謀即今之細作也馥案淮南齊俗訓譬俚之見風無須臾之閒定矣船上候風羽謂之俚能謀知風信也詩曰俚天之妹者

大雅大明文傳云倪巖也釋文韓詩作巖巖音也正義此倪字韓詩作巖則倪巖義同也蓋如今俗語音而物云巖作然

倪

饒也從人憂聲一曰侶也

於求切

饒也者詩瞻甲天之降罔惟其優矣傳云優澹也箋云優寬也正義釋傳云以優為優饒之義故為澹也釋箋云優饒者寬容之義信南山既優既澹箋云潤澤饒洽餽案優澹字本書作澹鄭訓為饒則在此優字解次周語則字祀時而布施優裕也卓云優饒也一曰侶也者徐錯本有又俳優者四字本書倡樂也三君優樂也管子小匡為倡優侏儒扛前而賢大夫在後齊策和樂倡優伏儒之笑不乏史記滑稽列傳優孟者故楚之樂人也優旃者秦倡侏儒也索隱優者倡優也漢書徙關東倡優人五千以為陵戶賈祖傳倡優下賤司馬遷傳倡優畜之魏志注引曹瞞傳太祖為人佻易無威重好音樂倡優在側穰案此所言倡優謂樂歌也木書俳戲也急就篇倡優俳笑觀倚庭顏注優戲人也襄六年左傳少相狎長相笑杜云優謂戲也襄二十八年傳陳氏鮑氏之閭人為優杜云優俳正義優

者戲名也今之散樂戲為可笑之語而令人之笑是也宋
 太尉袁淑取古之文章令人笑者欠而題之名曰俳諧集
 定十年殺梁傳齊人使優施舞於魯君之幕下范云優俳
 哀二十五年左傳公使優施習拳彌社云優狡俳優也晉
 語公之優曰施注云優俳也越語信讓喜優注云優謂俳
 優也通典散樂非部伍之聲俳優歌舞雜奏複案此所
 俳優謂諧戲也

喜

樂也從人喜聲

許其切

樂也者一切經音義
 九引同木書喜樂也

儔

富也從人聲聲

尺允切

富也者木書愈厚也富厚也廣韻侑厚也富也
 春秋繁露春之猶言儔也儔者喜樂之貌也

完

完也逸周書曰朕實不明以侗伯父從人從完

胡因切

完也者廣韻侗全
 也木書完全也

儉

約也從人僉聲

王儉切

約也者廣雅儉撙也王篇撙約也儉也論語夫子溫良恭儉讓以得之卓犖去吝從約謂之儉又以約失之者鮮矣何注儉約無憂患顏氏家訓治家篇儉者省約爲禮之謂也

儗

鄉也從人面聲少儀曰尊壺者儗其鼻

彌箭切

鄉也者儗通作面廣韻嚮也鄉音名詁而猶向也用禮擇人使萬民和說而正王而注云而猶鄉也王操惟君面尊注云而猶鄉也論語人而不爲周南召南其猶正牆面而立也與注云人而不爲如何精而立彼秦反言之則爲肯離駁儗規矩而改錯法言假測儗焉少儀曰尊壺者儗其鼻者疑後人所加本書不舉戴記篇名

習

習也從人谷聲

似足切

釋名俗欲也俗人所欲也習于藏於官則爲法施於國則爲俗謂冠于化不因民不能成俗漢書地理志凡民商五常之性而其剛柔緩急習習不同繫水土之風氣故謂之風好惡取舍動靜凶常隨君王之情欲故謂之俗後漢書

見之釋名卷之六

卷之六

習

連筠筵叢書

班固傳痛乎風
俗之移人也

習也者玉篇習俗安也廣雅俗習也周禮大司徒以俗教
安則民不偷注云俗謂土地所生習也老子安其俗傳奕
引鄒說爲注劉氏新論風俗篇風者氣也俗者習也土地
木泉氣有發急濟有高下謂之風焉人居此地習以成性
謂之俗焉

俾

益也從人卑聲一曰俾門侍人

并切

益也者木書饒益也卑增也增益也一曰俾門侍人者
釋詁俾使也郭云謂使令馥棻本書使伶也詩車鄰寺人
之令傳云寺人內小臣也釋文寺木或作侍字寺人奄人
令韓詩作伶云使伶玉篇引書有能俾又俾使也書無逸
文王卑服馬本卑作俾云使也詩天保俾爾單厚傳云俾
使又日月俾也可忘箋云俾使也文十二年公羊傳俾君
子易怠注
云俾使也

俾

俾也從人兒聲

五雞切

俾也者謂俾倪也木書俾城上女牆俾倪也史記信陵君傳侯生下見其客朱亥俾倪故久立擇魚左倪不類右倪不若郭云行頭左庫行頭右庫那疏按賈公彥說周禮以倪爲睥睨則左倪右倪是左顧右顧也莊子馬蹄輪加之以衡輓齊之以月題而馬知介倪注云介倪猶睥睨俾倪尙倪竝同未周明上疏尙方今這一物小民明已睥睨

億

安也從人意聲

於力切

安也者通作億隱十一年左傳寡人惟是一二父兄不能共億昭二十一年傳心億則樂昭二十一年傳我當始億昔鬼神杜注竝云億安也晉語億寧百神吳語億負晉眾庶潔注竝云億安也賈誼書嗇者億也又云臣民順億

傳

伶也從人吏聲

疏士切

伶也者通作伶急就篇辭宰切割給使令又云臣妾使令詩車鄰寺人之令韓詩作伶云使伶也孟子便嬖不足使令於前與

俛

俛左右兩視從人癸聲

其季切

讀文解字義證卷二十四

弄

通作睽魯靈光殿賦顧頓顛而睽睽

倏左有兩視者倏字上下疑有關文倏

冷

弄也從人令聲益州有建伶縣

郎丁切

弄也者漢書武帝有弄兒司馬遷傳周主上所戲弄倡優畜之鹽鐵論巨聽五音目視弄優益州有建伶縣者見漢志應劭音鈴徐錯本縣下有伶倫人名也五字漢書人表伶倫氏服虔曰始造十二律者

儼

琴儼也從人麗聲

呂支切

琴儼也者木書琴木枝條琴儼也

傳

遠也從人專聲

直戀切

遠也者本古遠傳也集韻傳驛遠也增韻驛遠邨馬也古者以車駕馬乘謂京師謂之傳車其後又置單馬乘之謂之驛騎者今之遠馬也凡四馬高足為置傳中足為馳傳下足為乘傳一馬二馬為軺傳漢律諸當乘傳及發駕置傳者皆持尺五寸木傳信封以御史大夫印章其乘傳參對之參三也有期會累封兩端端各兩封凡四封乘置馳

傳五封之兩端各二中央一輅傳兩馬再封之一馬一封以馬駕輅車而乘傳曰一封輅傳釋言達傳人孫炎曰傳車也詩江漢箋云克勝則使傳達告功於王釋文以車曰傳以馬曰達周禮行夫掌邦國傳達之小事注云傳達若今時乘傳騎驛而使者也王濬上曰傳達之臣注云以車馬給使也齊策車舍人不休傳餽云驛達也韓非喻老篇遠傳不用故曰却走馬以糞餽案一切經音義七傳驛也廣韻傳郵馬成五年左傳晉侯以傳召伯宗注云傳驛定十二年傳傳必數日而後及絳漢舊儀使司馬遷乘傳行天下求古諸侯之史記又云分遣丞相御史乘傳駕行郡國解因徒郡國各分遣吏傳廢車馬行屬縣解因徒縣鐵論建節馳傳巡省郡國續漢書種嵩為益州刺史馳傳上言謝承後漢書東海兩縣僻在由閭傳馴不往又云百里嵩為徐州刺史遭旱行部傳車所經甘雨輒至又云周敞與別駕陳茂俱行部到潁川楊翟傳傳中置美酒一柙勅鄒囑載酒以行茂取柙擊柱賊之敵問茂茂曰使君傳車馬也又案釋名傳傳也人所止息去後人復來轉轉相傳無常人也魏策今息之人秦之傳舍不足以舍之史記外戚世家姊去我西時與我決於傳舍中索隱傳舍謂郵亭

傳置之舍風俗通義祝恬公車敬道病汲令為解傳而止
 傳中數十餘日謝承後漢書李壽為青州刺史發願書於
 本縣傳舍後漢書范滂傳閉傳舍注云傳驛舍也三輔決
 錄崔康為涼州刺史出止傳舍陳寔別傳高倫披微為尚
 書郡中士大夫送至傳舍魏志陳羣傳昔劉備自成都至
 白水多作傳舍王隱晉書河南尹郡中多怪後人皆於廊
 下郵傳中治事鄭審開元中充館驛使令
 傳舍立十二辰候讀謂此皆言傳舍也

信

小臣也從人從官詩曰命彼信人

古忠切

詩曰命彼信人者鄙風定之方中文傳云信人主駕者

信

善也從人介替詩曰价人惟藩

古拜切

善也者釋詁文被作介郭注引詩亦作介詩曰价人惟藩者大雅板文傳云价善也

信

克也從人子替

子之切

克也者廣雅仔克也詩敬之佛時仔肩傳云仔肩克也

送

送也從人夨聲呂不韋曰有仇氏以伊尹倂女古文

以爲訓字

切以證

送也者釋言文彼作媵後漢書注引孫炎云送女曰媵釋名姬娣曰媵媵承事嫡也急就篇妻婦聘嫁齊媵僮顏注媵送女也易咸象滕口說也鄭虞竝作媵云送也燕禮升媵觚于賓注云媵送也莊十九年公羊傳媵者何媵者弟一國則二國往媵之以姪娣從姪者何兄之子也娣者弟也諸侯一聘九女諸侯不再聘僖五年左傳以媵秦穆姬杜云送女曰媵春秋成八年衛人來媵杜云古者諸侯取適夫人及左右媵乃有姪娣皆同姓之國國三人凡九女所以廣繼嗣也魯將嫁伯姬於宋故衛來媵之楚詞九歌魚鱗鱗兮媵予注云媵送也奔聲者木書無奔字亦從奔聲玉篇奔主倦切火種呂不韋曰有仇氏以伊尹倂女者呂氏春秋本味篇文旣通作莘說苑伊尹故有莘氏媵臣也古文以爲訓字者莊君述祖曰逸周書王用有監明德朕命朕當作訓古文訓作倂故爲作朕

徐

緩也從人余聲

切似魚

說文解字義證

卷二十四

言

連筠籀叢書

緩也者徐通作徐顏注急就篇云徐者舒緩之稱也孟子子謂之姑徐徐云爾釋地濟東曰徐州釋名徐舒也土氣舒緩也史記齊世家田常執簡公於徐州索隱徐字從人又通作余釋天四月爲余孫炎本作舒又通作除詩小明二章昔我往矣日月方除箋云四月爲除馥謂四月日行正緩晝長時也

屏

僻婁也從人屏聲

毗正切

僻婁也者荀子榮辱篇注引同廣韻僻隱僻也無人處或作僻集韻僻旁側也

伸

屈伸從人申聲

失人切

屈伸者木書舒伸也玉篇伸舒也易曰尺蠖之屈以未伸也案繫辭伸作信又云往者屈也來者信也周禮大宗伯侯執信圭伯執躬圭注云信圭刻人形信也躬圭刻人形屈也莊子熊經鳥伸

拙

拙也從人且聲

似魚切

拙也者六書故淮南子曰使但吹竽今俗亦以拙鈍爲但廣雅但鈍也離騷理弱而媒拙兮王逸云拙鈍也

然

意臙也從人然聲

人善切

意臙也者玉篇然意急而懼也通俗文警警曰然

弱

弱也從人奐聲

奴亂切

弱也者本書弱讀若便弱之便奐讀若畏便廣雅便弱也通作奐一切經音義一物柔曰奐三蒼奐未弱也楚策鄒魏者楚奐國鮑云奐弱也漢書王吉傳數以奐脫之玉體兒勤勞之煩毒顏注奐柔也司馬遷傳僕雖怯奐欲苟活顏注奐柔弱也劉輔傳精銳銷奐蘇林曰奐弱也後漢書曹聚傳嚴奏寢奐弱或作軟楚策李園軟弱人也漢書賈誼傳坐罷軟不勝任者顏注軟弱也

弱

反也從人音聲

薄亥切

反也者中庸爲下不倍繻衣信以結之則民不倍孟子師成而遂倍之趙策談語而不稱師是倍也鮑云言背其師又云若與國有倍約者以四國攻之衛策燕趙好倍而貪地鮑云倍謂背約秦策趙厚送遺之是不敢倍德時施又

說文解字義證

卷二十四

義

連筠移叢書

云魏許寡人以地今戰勝魏王倍寡人也齊策是是下倍
先君盟約楚策楚王畏必不敢倍盟淮南子尚作三仞之
城諸侯倍之禹知天下叛之乃壞城爲平地賈誼書愛利
出中謂之忠反忠爲倍易解卦負且乘虞云負倍也通作
背漢書刑罰積而民怨倍大戴禮作背書太甲既往背師
係之訓漢書高帝紀君爲秦吏今欲背之楚辭九歎信中
塗而叛之王
逸曰叛背也

𠄎

引爲賈也從人馬聲

於建切

引爲賈也者廣韻傷與賈同引與爲價廣雅引賈也引當
爲引玉篇引挽弓也引引聲義同後漢書崔實傳實從兄
烈因傳母入錢五百萬得爲司徒及拜曰天子臨軒百僚
畢會帝顧謂親倖者曰悔不小漸可至千萬注云漸或作
駟說文曰駟引爲價也
腹謂駟卽傷價卽賈

𠄎

假也從人替聲

子念切

假也者玉篇引作𠄎也篇海同廣雅假借也詩抑覆謂我
借箋云借不信也隱五年公羊傳譏始借諸公也注云借

齊也下故上之辭穀梁傳始僭樂矣范云下犯上謂之僭
僖九年左傳不僭不賊注云僭過差也襄二十七年傳夫
以信召人而以僭濟之必莫之與也昭元年傳楚又行僭
注云僭不信昭八年傳君子之言信而有微小人之言僭
而無徵昭二十年傳今聞難而逃是僭子也注云使子言
不信也又二十年傳外寵之臣僭令於鄙注云詐爲教令
於邊鄙昭二十五年傳以下爲信與僭之吉注云僭不信
也公羊傳諸侯僭於天子大夫僭於諸侯久矣段頴上疏
誕辭空說僭而無徵通作潛詩瞻卬潛始竟背箋云潛不
信也釋文本又作僭桑柔朋友已潛箋云潛不信也釋文
潛子念反

本亦作僭

疑

僭也一曰相疑從人疑聲

魚己切

僭也者廣韻僭從也漢折里橋郝閣頌雖昔魯班亦莫疑
象通作疑史記蘇秦傳疑於王者漢書食貨志遠方之能
疑者並舉而爭起顏云疑讀曰擬僭也或作擬廣雅僭擬
也曲禮不敢與世子同名注云辟僭傲也正義嫌其名自
比擬於君漢書公孫弘傳管仲相齊有三國侈擬於君注
云擬疑也言相似也後漢書張衡傳吾觀太元方知子雲

妙極道數乃與五經相擬

偏

頗也從人扁聲

芳連切

頗也者本書頗頭偏也書洪範無黨無偏又無偏無頗又人用側頗僻民用僭忒無逸爾乃惟逸惟頗大遠王命

倝

狂也從人長聲一曰仆也

楮羊切

狂也者廣雅倝狂也廣韻倝諭倝失道禮仲尼燕居督者無相倝倝乎其何之荀子脩身篇人無法則倝倝然注云倝倝無所適也言不知所措履或作猖猖玉篇猖狂駭也莊子山木篇猖狂受行離騷何桀紂之猖披

僇

僇也從人夔聲

呼眩切

僇也者本書僇不明也玉篇僇迷僇也字或作僇釋訓僇僇僇也

翳

翳也從人壽聲

直由切

翳也者木書翳翳也玉篇翳隱蔽也廣韻翳隱也

𨔵

有塵蔽也從人舟聲詩曰誰侑予美

張流切

詩曰誰侑予美者陳風防有鵲巢文傳云侑張誑也釋訓同郭云書曰無或侑張爲幻幻或欺誑人者

𨔵

淺也從人菱聲

慈衍切

淺也者釋言文詩小戎倭收傳云倭淺又倭駟孔羣箋云倭淺也考工記鮑人之事則是以博爲淺也注云鄭司禮云淺讀爲翦玄謂翦者如倭淺之淺覆案史記李斯傳能薄而材譎張有謂當作倭

𨔵

中也從人田聲春秋傳曰乘中佃一轅車

堂練切

春秋傳曰乘中佃者宣十七年左傳文彼作衷甸一轅車者乃許公釋傳之義杜注衷甸一轅車止義衷中也蓋以四馬爲上乘兩馬爲中乘馱案鄉車廣韻作輕車鄭注周禮小司徒甸之言乘也讀如衷甸之甸徐錯曰佃謂中也古載物大車雙轅乘車一轅當中也

𨔵

小兒從人內聲詩曰佃佃彼有屋

斯氏切

小兒者倘或作僂釋訓僂小也郭注梓器細陋也舍人云僂僂形容小兒通作詰方言詰短也江湘之會謂之詰又通作獠方言凡物生而不長大亦謂之獠詩曰倘倘彼有屋者小雅正月文彼作僂傳云僂僂小也釋文僂說文作倘音徒廣韻詩云倘倘彼有屋本亦作僂

𠂔

小兒從人光聲春秋國語曰僂飯不及一會

古橫切

春秋國語曰僂飯不及一會者徐鍇本下有是僂然小也六字類篇引作僂飯不及一餐馥謂會餐竝誤當作餐越語觥飯不及壹殮聿云觥大也大飯謂盛饌木具不能以虛待之不及壹殮之救饑疾也馥案廣韻僂盛兒蓋本

𠂔

偷也從人兆聲詩曰視民不僂

上彫切

偷也者釋言文郭云苟且李巡以為偷薄之偷本書無偷字李燾本作偷字書僂輕也廣韻僂輕僂楚辭余猶訝其僂巧詩曰視民不僂者小雅鹿鳴文彼作僂傳云僂偷也昭十年左傳視民不僂服注示民不偷薄東京賦敬慎

威儀示
民不偷

避

避也從人辟聲詩曰宛如左辟一曰從旁牽也

詩擊切

避也者一切經音義十一引作辟也徐鍇本同鎔曰辟避也玉篇詩云民之多辟辟邪也本書通回避也避回也詩大明厥德不回論衡引左傳君無回德回與違同謂哀辟也宣九年左傳引詩民之多僻江云辟邪也文十八年傳靖謂庸回注云回邪也史記共工善言其用辟案書堯典靜言庸違亦回也蓋庚迂乃心傳云迂僻案本書迂避也般辟也象舟之旋李巡注爾雅婆娑盤僻舞也詩采芣小人所腓毛訓腓爲辟王肅以辟爲避忠宣九年左傳齊侯問之遽辟之杜云辟去萊兵也釋文謂婢亦反又音避孟子行辟人可也韓策嚴仲子辟人因爲辟政語詩曰宛如左辟者魏風葛屨文彼作宛然左商一曰從旁牽也者晉語以傳召伯宗遇大車當道而覆泣而避之曰辟傳對曰傳爲速也若徐吾辟之則加遲矣不如捷而行般案辟轉者使其從旁牽也

很

很也從人弦省聲

馬四切

很也者謂很戾也本
書盤踞戾也從彡省

𠄎

與也從人支聲詩曰籥人伎忒

渠綺切

與也者與讀如泉衆詞與也之與唐憲光曰伎同及漢捧
勅碑伎傳皇代卽笏及詩曰籥人伎忒者大雅瞻卬文
彼作伎傳云伎害也
也廣韻伎傷害也

𠄎

掩脅也從人多聲一曰奢也

尺氏切

掩脅也者本書侈衣張也帳婦人侈衣一曰奢也者字
林侈大也書周官祿不期侈傳云富下與侈期而侈自來
成十年公羊傳婦人以衆多爲侈也何云侈大也昭
三年左傳於臣侈矣杜云侈奢也賈誼書及儉爲侈

𠄎

癡兒從人台聲讀若駮

夷在切

癡兒者本書類癡不聰明也急癡兒集韻伶癡癡兒六書
故司馬相如賦曰侘以伶儼張揖曰伶儼不前也按今以
駮駮難語使爲伶儼古蓋有此語或作儼廣韻儼癡兒
讀若駮者本書駮駮也癡駮也句駮言聲喬駮也廣韻

喬寢見周禮司刺注云寢思生而寢駢童昏者通寢王師範謂慮引日師範童駢不堪重任注云駢寢思也

𨾏

傾駢也從人蚤聲

鮮遭切

傾駢也者

謂駢駢

𨾏

詐也從人爲聲

危睡切

詐也者釋詁文又云詐僞也廣雅僞欺也書周官作僞心勞日拙詩小雅民之詐言箋云僞也小人好詐僞爲交易之言周禮大司徒以五禮防僞民之僞而教之中襄十八年左傳使乘車者左實右僞

𨾏

惰也從人只聲

只鼓切

𨾏

務也從人句聲

苦侯切

務也者廣韻作愁云拘愁思兒玉篇引是辭九辯直徇愁以自苦

𨾏

輕也從人與聲

匹妙切

輕也者史記索隱引同本書嫫輕也方言嫫輕也楚凡相
 輕薄或謂之嫫也荀子兼兵篇輕利嫫速注云嫫亦輕也
 脩身篇怠慢嫫奔注云嫫輕也謂自輕其身也後漢書班
 固傳雖輕迅與嫫狡袁紹傳嫫狡鋒俠史記高祖本紀項
 羽為人嫫悍猾賊厥書作嫫顏注嫫疾也字或作嫫漢馮
 煥碑謝輕狡獨通作票後漢書張衡傳夫穢累而票輕注
 云票音匹妙反猶飄飄也又通作剽絳侯世家楚兵剽輕
 難與爭鋒漢書地理志自全晉時已患其剽悍顏云剽急
 也輕也魏都賦過以汎剽之單慧曹植白馬篇勇剽若豹
 鳩釋樂大鐘謂之鏞其中謂之剽孫炎曰剽者身輕疾也

倡

樂也從人昌聲

尺亮切

三營倡俳也 列子湯問篇臣之所造能倡者注云倡俳優
 也 史記趙世家趙王遷其母倡也 桓譚新論漢之三主
 內置黃門工倡覆案馬融長笛賦然後退理乎黃門高廊漢
 書禮樂志成帝時鄭警尤甚黃門名倡而疆景武之屬高顯
 於世藝文志黃門倡
 車忠等歌詩十五篇

樂也者李善注古詩及平居原文引同又云謂作妓人也
 後漢書郭皇后紀注引同本書優倡也顏注急就爲倡樂

人也字林倡優樂也三蒼優樂也督類倡俳樂記一倡而
三歎注云倡發歌句也韓非外儲說宋王與齊仇也樂武
宮譏癸倡行者止觀樂者不倦桓譚新論昔孝成帝時余
爲樂府令凡所典倡優伎樂益且千人漢書佞幸傳身及
父母兄弟皆故倡也顏注倡樂人也續漢書大將軍梁商
三月上己日會洛水倡樂畢極百官志太子樂令一人掌
伎樂後漢書桓譚傳性嗜倡樂注云倡俳優也晉起居注
咸和中詔大樂令戴綬教習伎樂續晉陽秋吳曇善倡樂
陸機七徵名倡陳於窟房遞響泠乎華
屋袁淮招公子云燕倡越舞齊商歌

俳

戲也從人非聲

步皆切

戲也者一切經音義十四引同又云莊子戲笑不及俳案
俳者樂人所爲戲笑以自怡悅也急就篇倡優俳笑觀倚
庭顏注倡樂人也俳謂優之變狎者也襄二十八年左傳
陳氏鮑氏之閨人爲優注云優俳春秋元命苞翼星主南
宮之羽儀文物啓明之所豐茂爲樂庫爲天倡先王以賓
于四門而列天庭之衛主俳倡近太微而爲尊漢書崔光
傳擊鼓歌吹作俳倡顏注俳優諧戲也倡樂人也枚舉傳
皋不通經術詼笑類俳倡皋賦辭中自言爲賦乃俳見視

連到義書靈戶楊氏

如倡白梅類倡也景十三王傳令倡俳戲坐中顏注並云倡樂人也俳雜戲者也賈誼書大臣奏事則俳優侏儒逃隱習樂技藝之人不並奏趙書石勒參軍周延每大會使俳優著介幘黃絹單衣劉梁七舉秦俳趙舞宋太尉袁淑取古之文章令人笑者

美

作姿也從人善聲

常演切

作姿也者廣雅備態也論語巧言令色包注巧言好其言語令色善其顏色皆欲令人說之

儂

儂互不齊也從人彘聲

土咸切

儂互不齊也者六書故君子不以一日使其躬儂旁如不終日謂苟且不整肅也周禮廋人總市杜子春云總當爲儂謂無肆立持者之稅也馥業市廛正行列若立持則不齊矣儂二十二年左傳宋公及楚人戰于泓司馬子魚曰督盛致氣鼓儂可也注乘其陣未成列急攻之也周語夫戎翟冒沒輕儂車云儂進退上下無列也曲禮長者不及毋儂言注云儂猶暫也非類雜一切經音義二十二儂非大而言也後漢書孔僖傳鄰房生梁郁儂和之注云儂謂

不與之言而傍對也禮記曰無儻言

佚

佚民也從人失聲一曰佚忽也

夷質切

佚民也者孟子遺佚而不怨漢書梅福傳佚民不舉潛夫論賢難篇獻厥佚民山谷隱上通作逸論語舉逸民又夷逸漢石經作夷佚書無逸史記作無佚又通作軼史記管晏列傳贊論其軼事一曰佚忽也者本書誤忘也或作佚文選四子講德論故美玉韞于鼠坎凡人視之佚焉李善引廣蒼佚忽忘也

俄

行頃也從人我聲詩曰仄弁之俄

五何切

行頃也者頃當爲傾傾仄也本書我頃頓也頃亦當爲傾詩曰仄弁之俄者小雅賓之初筵文彼作側箋云側傾也俄傾貌

喜

喜也從人各聲白關以西物大小不同謂之僖

余邪切

喜也者僖通作絲釋詁絲喜也又通作猶檀弓人喜則斯陶陶斯詠詠斯猶鄭云猶當爲搖謂身動搖也秦人猶搖

說文解字義證

卷二十四

弓

連筠篠叢書

聲相近韻謂猶卽格大戴禮文王官人篇喜色附然以出
 又通作搖樂稽耀嘉克殷之後民乃大安家給人足酌酒
 鬱搖注云鬱搖喜貌 白關以西物大小不同謂之僇者
 字或作僇方言僇哀也 自山而西凡物細大不純者謂之
 僇注云言
 僇僇也

御

微御受屈也從人卻聲

其虐切

微御受屈也者史記司馬相如傳文彼作御司馬彪云御
 倦也謂遮其倦者郭璞曰御疲極也言獸有倦游者則微
 而取之本書御勞也玉篇欲倦欲廣雅御勞也字書微遮
 也亦要也本書微半遮也漢書趙充國傳微極極而取
 注微要也要其倦極者也匈奴傳以誘罷漢兵微極而取
 之顏注微要也誘令疲要共困極然後取之司馬相如傳
 微御受詘蘇林曰御音倦御之御顏注言獸有倦極者要
 而取之傳又云與其窮極倦御郭璞曰窮極倦御疲也
 御聲者當爲御本書御
 相倚御也方言御倦也

僇

醉舞兒從人差聲詩曰屢舞僇僇

素何切

醉舞兒者廣雅侏侏舞也詩曰屢舞侏侏
儀者小雅賓之初筵文傳云侏侏不止也

𩚑

醉舞兒從人欺聲詩曰屢舞𩚑𩚑

去其切

醉舞兒者廣雅𩚑𩚑舞也詩曰屢舞𩚑𩚑者小雅賓之
初筵文傳云𩚑𩚑舞不能自正也故案本書𩚑下引詩屢
舞𩚑

𩚒

傷也從人每聲

文甫切

傷也者一切經音義一引作傷也又云謂輕傷散弄也木
書傷輕也敬侮也廣雅侮傷也玉篇侮慢也書洛誥惟事
其災侮傳謂侮慢詩鴟鴞或敢侮
子箋云寧有敢侮慢欲毀之者乎

𩚓

古文從母

漢書五行志
慢侮之心生

𩚔

𩚔也從人疾聲一曰毒也

秦悉切

說文解字義證

卷二十四

四

連筠移叢書

妨也者本書妨妒也廣雅嫉妒也離騷各異心而嫉妒注云害色曰妒害賢曰嫉亢倉子用道篇同道者相愛同藝者相嫉通作疾書秦誓人之有技冒疾以惡之傳云見人之有技藝蔽冒疾害以惡之

癢

疾或從女

陽

輕也從人易聲一曰交傷

切

蒼頡篇陽慢也通作易北堂書鈔慢易以犯節桓十三年左傳見莫敖而告諸天之不假易也杜云言天不借貸慢易之人襄十一年傳晉師敗績易秦故也六韜有肅肅而反易人者史記鄒生傳吾聞沛公慢而易人交州名士傳張重舉計漢明帝易重問何短小

輕也者本書媿侮易也姚易也並當作傷廣雅傷輕也一切經音義三廣雅傲傷也謂輕傷也樂記外貌斯須不莊不敬而易慢之心入之矣注云易輕易也文十二年公羊傳俾君子易怠注云易怠猶輕惰也襄四年左傳賁貨易土注云易猶輕也昭十八年傳土不可易杜云易輕也秦策願王之勿易也高云易輕也史記禮書能慮勿易注云

易猶輕易也漢書高帝紀高祖爲亭長素易諸吏頗注易
輕也賈嬰傳魏其沾沾自喜曰吾坐輕易爲賢子所欺易
之行也燕丹子荆軻歸而罵曰吾坐輕易爲賢子所欺易
一曰交傷者本書換易也賈易財也文選博奕論足以兼
棋局而買博奕矣任昉表陵谷遷買李注並云買傷也易
繫辭日中爲市致天下之民聚天下之貨交易而退詩天
作岐有夷之行傳云夷易也箋云岐邽之君有倭傷之道
孟子以粟易械器史記平準書農工商交易之路通趙世
家趙與燕易土索隱音亦謂與燕換易縣也
通作敷廣雅賈敷也或作易廣韻屬交屬

條

訟面相是從人希聲

喜皆切

訟面相是者玉篇
佈解也訟也

儻

儻也從人賁聲

匹問切

儻也者釋言文郭云卻儻舍人曰背踣意也隱三年左傳
鄭伯之車儻于濟襄二十四年傳象有齒以焚其身服虔
云茨讀曰儻儻也爲生齒身儻仆其身昭十三年傳牛
雖瘠儻於豚上其畏不灰注云儻仆也晉語重儻可疾聿

說文解字

卷二十一

三

連筠移書

云僨僨也大戴禮曾子制言篇衡塗而僨盧辯云僨僨也
呂氏春秋慎小篇明日有人僨南門之外表者仕長大夫
注云僨僨也莊子天運篇一僨一起釋文司馬云僨僨也
漢書韓王信傳此伍子胥所以僨於吳世也顏注僨謂僨
仆而倒也靈錯傳輸者僨於道服虔曰僨仆也何
奴傳孤僨之君如淳曰僨仆也猶言不能自立也

田

僨也從人田聲

切

僨也者徐鍇木作僨也謂會同爾雅釋文引同一切經音
義十三引亦同又云謂却僨也稷案木書僨僨也呂氏春
秋貴卒篇鮑叔御公子小白僨注云僨猶僨也漢書昭帝
紀上林有柳樹枯僨自起生顏注僨僨也梁孝王傳卽詐
僨仆陽病顏注僨仆倒地也後漢
書馬援傳僨歿軍事注云僨仆也

卜

頓也從人卜聲

切

頓也者一切經音義三引同又云謂前覆也廣韻仆前倒
玉篇仆傾倒克廣雅頓仆僨也釋名仆踣也頓踣而前也
釋言夷仆也郭云頓頓仆孫炎云前覆曰仆定八年左
傳筮邱子鉏擊之與一人俱然杜云斃仆也正義云吳越

春秋稱麥離謂吳王夫差曰臣迎風則偃背風則仆然則仆是前覆偃是却倒漢書貢禹傳誠恐一旦躡仆顏注仆頓也燕書賜章該布百餘匹負而歸重不能勝乃至偃頓

偃

偃也從人叀聲

於慄切

偃也者廣雅同一切經音義二十二引說文偃却偃也書金縢禾盡偃論語草上之風必偃孔注偃仆也鄉射禮東面偃旌注云偃猶仆也博物志徐君生而偃故以為名

傷

創也從人殤省聲

式羊切

本書創傷也殤傷也疾傷也書說命若跌弗視地厥足用傷莊八年左傳除于車傷足倍二十二年傳宋公及楚人戰于泓公傷股公曰君子不重傷子魚曰傷未及死如何勿重若愛重傷則如勿傷二十八年傳魏擊傷於胸襄二十三

年傳樂魴傷三十一一年傳猶未能操刀而使割也其傷實多昭元年傳子南知之執戈逐之及衛擊之以戈子皙傷而歸

創也者月令命理瞻傷察創視折注云創之淺者曰傷昭二年左傳鄭公孫里將作亂傷疾作而不果杜云前年游

說文解字義登

卷二十一

三

連筠篔簹書

楚所擊劍 徐鉛木作易 醫木書無剪字

刺也

從人肴聲 一曰痛啓

胡茅切

刺也者刺當為刺刺戾也 肴聲者肴非啓 顏氏家訓蒼頡篇有侑字訓詁云痛而諱也 音羽 罪反 今北人痛則呼之聲類音于未反 今南人痛或呼之此二音隨其鄉俗 拉可行也 積案廣韻侑痛而叫也 于罪切 一曰痛啓者徐錯本作毒之案本書痢下 云楚人謂藥毒曰痛痢

備詞

從人夸聲

苦瓜切

備詞也者當作備小字本李燾本徐錯韻譜並作備集韻引同宣十五年公羊傳司馬子反曰嗜甚矣 德廣韻脩痛

也呼

催

相搗也從人崔聲 詩曰室人交徧催我

倉回切

相搗也者本書搗手推也 推當作催 詩曰室人交徧催我者 邶風北門文彼作摧 傳云摧沮也 箋云刺譏之言釋

文摧或作催韓詩作誰
就也韻密就當爲訛

痛

痛也從人甬聲

他紅切又
余隴切

痛也者偏通作踊櫛弓辟踊哀之至也喪
服記辟踊注云男踊女踊士喪禮大夫踊

伏

司也從人從犬

房六切

司也者釋名伏覆也莊十年左傳懼有伏焉隱九年傳君
爲三覆以待之史記甬侯世家臣與客狙擊秦皇帝應劭
云狙伺也一云伏伺也狙之伺
物必伏而候之故今云狙倣

迫

迫也從人足聲

七玉切

迫也者廣雅促近也木書迫近也通作趣周禮縣正趣其
稼事月令命有司趣民牧斂又云乃趣獄刑釋文拉音促
史記數使之趣齊兵詩左
右趣之箋云皆促疾於事

比

比也從人剛聲

力制切

比也者玉篇例類例也王制必察小大之比以成之注云已行故事曰比比例也後漢書陳忠傳父寵上除漢法溢於刑者未施行忠奏上二十

原

繫束也從人從系系亦聲

胡計切

繫束也者一切經音義三引作結束也又云亦連綴不絕也吳語係馬舌注云係縛也孟子係累其子弟注云係累猶縛結也顏注漢書張釋之傳云

伐

擊也從人持戈一曰敗也

房越切

擊也者廣雅同書牧誓不愆於四伐五伐六伐七伐傳云伐謂擊刺詩甘棠勿剪勿伐傳云伐擊也倍二十八年左傳送伐其木宋玉風賦斃后伐木李善云伐擊也詩采芑鉦人伐鼓傳云伐擊也禮郊特牲二日伐鼓何居文十五年左傳伐鼓于社杜云伐猶擊也一曰敗也者廣雅同春秋說題辭伐人者涉人國內行威有所斬壞伐之為言敗也徐錯本下有亦斫也三字馥案斫亦擊也枚乘七發使琴擊斫斫以為琴謂伐木也

俘

軍所獲也從人孚啓春秋傳曰以爲俘馘

芳無切

軍所獲也者史記正義俘囚也一切經音義十三國語而
安俘女賈述曰伐國取人口俘釋詁俘取也本巡云囚敵
曰俘伐執之曰取書典寶序俘馘寶玉傳云俘取也倍
十二年左傳示之俘馘杜云俘所得囚倍二十八傳獻
楚俘于王襄二十五年傳子美入數俘而出杜云數其所
獲人數昭十年傳平子伐莒取鄭獻俘家語相魯篇裔夷
之俘注云俘軍所獲虜也漢書昭帝紀斬虜獲生有功頗
注俘取曰獲春秋傳曰以爲俘馘者成三年左傳文

但

楊也從人旦啓徒早

徒早切

楊也者本書相衣縫解也楊但也增韻但偏脫衣袖通作
相詩大叔于田相楊暴虎孟子雖相楊裸程於我側字或
作相史記呂后紀爲劉氏左擅徐錯本有一曰徒三字啓
類徒但也空也漢書倉貨志錢府以所入工商之貢但除
之演繁露但馬徒馬也散馬前行或曰坐馬或曰引馬卽
但馬腹案宋書作誣馬遼史作靺馬通作宜荀子議兵篇
非宜倒
斷而已

偃

偃也從人區聲

於武切

偃也者廣雅同又云曲也廣韻偃不伸也偃也通俗文曲
 春謂之偃偃昭七年左傳一命而偃非命而偃三命而俯
 賈注俯恭於偃偃恭於偃荀子儒效篇是猶偃伸而好升
 高也注云偃偃也韓非安危篇使偃以天性剖背宋策剖
 偃之背新序宋康王剖偃者之背呂氏春秋明理篇背
 偃偃注云偃偃俯者也盡數篇苦水所多偃偃與偃人注云
 偃偃偃疾也五代史鄭韜晚年背偃通作偃旅漢書東方
 朔傳行步偃旅顏注偃旅曲躬兒也後漢書趙壹傳偃偃
 名執注云偃
 嬌猶偃偃也

偃

偃也從人婁聲周公儀偃或言背偃

力主切

廣韻偃偃疾也 廣雅偃曲也 成元年穀梁傳曹公子手
 偃偃案公子名手五音集韻以為手病誤 燕策偃偃行見荆
 阿 淮南精神訓子求行年五十有四而病偃偃偃偃偃偃偃
 頂崩下迫顛兩脾在上塌營指天而匍自闕于井曰俸哉造
 化其以我為此拘拘邪 通作婁釋
 木癩木疔婁部注謂木病偃偃偃偃

能也者木若能能曲盤也此言下使也周公賦使者即
能也或言肯使者廣南引荀子周公偃背自虎週周公
背使昭四年左傳黑而上使注云上使肩偃哀十四年左
傳長而上使杜云肩背使漢書蔡義傳行步俛使顏注使
曲肯也

𠄎

癡行𠄎𠄎也從人𠄎聲讀若雞一日且也

力救切

癡行𠄎𠄎也者通作𠄎釋詁病也癡謂癡亦病也𠄎𠄎
古通用荀子非用篇爲天下大但史記田單傳𠄎及先人
歸兮箋云脚猶且也又泉水脚與之謀箋云脚且略之離
離驗脚道遙以相羊王注脚且也昔苦阮籍傳脚復爾爾
又通作𠄎木書𠄎𠄎然也差賦勃慷慨以𠄎亮李善引𠄎
類𠄎且也一切
經音義二引同

𠄎

讎也從人九聲

巨鳩切

讎也者仇讎聲相近木書怨怨仇也一切經音義一仇怨
也匹也三蒼云怨偶曰仇廣雅仇惡也釋名仇矛讎也所

伐則平如討仇讐也釋詁仇匹也李巡曰仇讐怨之匹也
 孫炎曰仇相求匹也易鼎卦我仇有疾釋文仇匹也鄭云
 怨耦曰仇書仲虺之誥乃葛伯仇餽傳云仇怨也五子之
 歌萬姓仇子傳云仇怨也詩無衣與子同仇傳云仇匹也
 箋云怨耦曰仇桓二年左傳嘉耦曰妃怨耦曰仇古之命
 也楚詞九章羌眾人之所仇注云怨耦曰仇史記雷侯世
 家張良為韓報仇



相敗也從人田聲讀若雷

管回

相敗也者李善注西征賦引作壞敗之兒寡婦賊容兒備
 以頓頷兮李善引家語備備乎若喪家之狗禮記喪容備
 備鄭云備備兒



災也從人從各各者相違也

其久切

易乾卦君子終日乾乾夕惕若厲无咎書大禹謨天
 降之咎莊二十一年左傳鄭伯效尤其亦將有咎
 災也者木書殃咎也從人從各各者相違也者一切經
 音義九說文咎災也字體從人從各人各相違即成罪咎

又二人同心其利斷金
二人相違其禍成災

別也

別也從人比聲詩曰有女他離

芳比切

別也者小爾雅廣言同謝惠連西陵遇風獻康樂詩者兄
感此別詩曰有女他離者王風中谷有雅文傳云他別
也

毀也

毀也從人咎聲

其久切

毀也者咎通作咎廣雅咎惡也書西伯戡黎序
殷始咎周傳云咎惡也或作咎王篇諸毀也

醜也

他惟醜面從人佳聲

奇惟切

他惟醜面者本書雅醜也廣雅他惟醜也楚詞九歌他惟
倚於彌盪注云他惟醜女也淮南修務訓噍朕哆噉選祿
賦施雖粉白黛黑弗能爲美
者媼母他惟也高云皆醜貌

直也

措也從人直聲

直吏切

措也者木書措置也置當作植徐錯本有逢遇四字案釋訓逢遇見也郭注行而相植也

侂

寄也從人庀聲庀古文宅

他各切

寄也者集韻引同又云謂依止也本書託寄也廣雅侂寄也東方朔非有先生論寡人獲先人之功寄於眾資之上通作託論語可以託六尺之孤玉篇引作侂 侂古文宅者徐錯本無此文錯云庀古宅字本書宅所託也古文作庀鄭注士相見禮云今文宅為託

儻

聚也從人尊聲詩曰儻沓背憎

慈損切

聚也者廣雅儻傳眾也離騷紛總總其離合今王注總猶傳傳眾兒通作擗漢書揚雄傳齊總總擗擗其相膠葛今顏注總總擗擗聚兒也 詩曰儻沓背憎者小雅十月之交文彼作擗本書儻聚語也引詩擗沓背憎

儻

象也從人從象象亦聲讀若巷

徐兩切

象也者韻會引徐錯本作似也案錯曰楚辭儻設君室靜閑安謂似而設之也廣韻儻似也易繫辭象也者儻此者

也春秋後語秦謂齊曰宋王無道爲木人以像寡人射其面漢書何奴畏邳都之威刻木像都之狀交弓射之博物志黃帝仙去其臣削木爲黃帝像帥諸侯奉之史係劉師貞蚤失其母乃作偶人像以事之象亦髻者當爲象髻

𠄎

罷也從人卷聲

渠眷切

罷也者本書券勞也禮少儀師役曰罷注云罷之爲言勞也玉篇引書耄期倦于勤儒行敦行而不倦劉楨魯都賦至於日昃體勞怠倦

𠄎

終也從人𠄎聲

所曹切

終也者楊倞注荀子富國篇引同

𠄎

桐人也從人𠄎聲

五口切

桐人也者廣韻備偶人又云備木人送葬設闕而能跳踊故名之出碑著檟弓謂爲備者不仁注云備偶人也有而日機發似於生人家語公西赤問篇爲偶者不仁不始於用人乎注云偶木人也六韜望其壘上多飛鳥而不驚上

連筠蓀叢書

說文解字義詁 卷二十四

蘇氏

無氣必知敵許而爲偶人也江表傳孫權使朱鶴喻關羽令降羽乃作椽人於城上而潛遁齊策有土偶人與桃梗相與語趙策上梗與木梗鬪曰我者乃上也使我逢疾風淋雨壞阻乃復歸土今汝非木之根則木之枝耳汝逢疾風淋雨漂入滄河東流至海汜濫無所止越絕書桐不爲器用但爲備常與人俱葬淮南說山訓魯以偶人斧而孔子歎馥案孟子始作伯者其無後乎爲其象人而用之也注云備偶人也用之送死史記殷本紀帝武乙無道爲偶人正義云偶對以土木爲人對象於人形也酷吏傳何奴至爲偶人象鄧都索隱云漢書作寓人象案寓卽偶也謂刻木爲偶類人形也漢書江充傳充將胡巫掘地求偶人又云遂掘蠱於太子宮得柵木人公孫賀傳且上甘泉當馳道埋偶人顏注刻木爲人象人之形謂之偶人偶竝也對也鹽鐵論古者明器有形無實示民不用也及其後則有桐馬偶人潛夫論良家造堂多埋珍寶偶人車馬論術自然篇偶人千萬不名爲人者何也鼻口耳目非性自然也薄葬篇閔歎獨葬魂孤無副故作偶人以侍尸樞史晨後碑筋治柩車馬於漬上王肅喪服要記魯哀公葬父孔子問曰寧設柩人手哀公曰柩人起於虞鄉虞鄉齊人遇惡繼母不得登父歿不能葬知有過故作柩人吾父生

得供着何桐人爲列士傳羊角哀夢左伯桃求助戰因作
三桐人自殺下而從之謝惠連祭古冢文刻木爲人長三
尺可有二十餘頭又云撫俑眉哀李善云埤蒼俑木人送
葬也俑或爲偶偶刻木以像人形隋書帝與柳詵言宴終
日猶恨不能夜召命匠刻木偶人每月下對酒與相酌醉
爲懽笑通鑑軍士發呂用之中堂得桐人書高駉姓名於
臂任栝而釘之通作寓漢書郊祀志木寓龍一明李奇曰
寓寄也寄生龍形於木也顧炎武曰此說恐非古文偶寓
通用木寓木偶也史記孝武紀作木偶馬而韓延壽傳曰
賣偶車馬下里僞物者棄之市道古人用以事神及送疾
皆木偶人木偶馬今人代以紙人紙馬又史記殷本紀帝
武乙無道爲偶人謂之天神索隱曰偶音寓酷吏傳匈奴
至爲偶人象鄧都索隱曰漢書作寓人可證寓之爲偶
矣又通作禺史記封禪書木禺龍窠車一謂索隱禺音偶
謂偶其形於木後漢書袁紹劉表列傳其斂木
禺之於人也注云言其如刻木爲人無所知也

𠄎

問終也古之葬者厚衣之以薪從人持弓會殿禽多
切

問終也者玉篇弔生日唁弔亦曰弔曲禮知生者弔知死
者哀成十三年左傳無祿文公卽世穆爲不弔杜云不見
弔傷孟子出弔於東郭氏又云右師往弔古之葬者云
云者急就篇喪弔悲哀面目腫頰注弔謂問終者也於字
人持弓爲弔上古葬者衣之以薪無有棺槨常苦禽鳥爲
害故弔問者持弓會之以助彈射也吳越春秋古者人民
朴質火則裹以白茅投於中野孝子不忍見父母爲禽獸
所食故作殮以守之絕鳥獸之害酉陽雜俎弔字矢貫弓
也古者葬棄中野禮賈
弓而弔以助鳥獸之害



昭 廟昭穆父爲昭南面子爲穆北面從人召穆

市招

廟昭穆父爲昭南面子爲穆北面者通作昭詩汾州汝箋
云公族主君同姓昭穆也釋文昭說文作昭中庸宗廟之
禮所以序昭穆也周禮小宗伯辨廟祧之昭穆注云父曰
昭子曰穆王制天子七廟三昭三穆諸侯五廟二昭二穆
大夫三廟一昭一穆祭統夫祭有昭穆昭穆者所以別父
子遠近長幼親疏之序而無亂也論語禘自既灌而往者
吾不祓觀之矣孔注禘禘之禮爲序昭穆耶疏昭南鄉穆
北鄉其餘係從王父父曰昭子曰穆昭取其鄉明穆取其

北面尙敬新序魯哀公爲室公儀子諫曰左昭右穆爲室而大以臨二先君無乃害於孝乎漢書儀子爲昭孫爲穆昭西面穆東面三年大禘諸帝以昭穆坐於高廟後漢書祭祀志元始五年始行禘禮父爲昭南嚮子爲穆北嚮注云汶疑要注曰凡昭穆父南而故曰昭昭明也子北面故曰穆穆順也穆通作繆荀子王制篇分未定也則有昭繆也注云繆讀爲穆父昭子穆

神也

神也從人身聲

失人切

神也者傳神聲相近廣韻申身也本書申神也玉篇傳姪身也

長生

長生僊去從人從嬰嬰亦聲

相然切

漢書藝文志神僊者所以係性命之真而游求於其外者也聊以盪意平心同於生之域而無怵惕於胷中稽康養生論夫神僊雖不日見然記籍所載前史所傳較而論之其有必矣似特受異氣稟之自然非積學而能致也抱朴子論僊篇或問曰神僊不灰信可得乎抱朴子曰萬物芸芸何所下有況列僊之人盈乎竹素不灰之道曷爲無之僊人以藥

說文解字義證

卷二十四

焉

連筠移叢書

物養身以術數延命使內疾不生外患不入雖久視不灰而
舊身不改苟有其道無以爲難也劉向所撰列僊傳僊人七
十有餘誠無其事妄造何爲乎申鑒或問神僊之術曰誕
哉未之也已矣聖人弗學非惡生也終始運也短長數也運
數非人力之爲也曰亦有僊人乎曰僊僊柱葬產乎異俗就
有僊人亦殊類矣或作仙廣雅仙已也桓譚新論天下神
人五曰神仙劉歆七畧方技四家有神仙家司馬光曰老
莊之書大指欲同成生輕去就而爲神仙者服餌修鍊以求
輕舉鍊草石爲金銀其爲術正相戾是以劉歆七畧敘道家
爲諸子神仙爲方技其後復有符水禁呪之術至寇謙之遂
合而爲一至今循之其說甚矣法言君子篇或問人言仙者
有諸乎曰吁吾聞伏羲神農黃帝堯舜殂落而灰文王畢
孔子魯城之北獨子愛其灰乎非人之所及也仙亦無益子
之蠶矣或曰聖人不師仙厥術異也聖人之於天下恥一物
之不知仙人之於天下恥一日之不生曰生乎生乎名生而
實灰也或曰世無仙則焉得斯語曰語乎者非爲器也歟惟
器豈能使無爲有或問仙之實曰無以爲也有與無非問也
問也者忠孝之間也忠臣孝子曾乎不佞谷永說漢成帝曰
諸言世有仙人服色不終之藥遙興輕舉登遐倒景覽觀縣
圃浮游蓬萊黃冷變化皆姦人惑衆挾左道懷詐僞以欺罔

上世

長生僊去者莊子千歲厭世去而上僊桓譚新論聖人皆形解仙去言成示民有終仙經神仙輕舉謂之天仙列位太清度名祕籍玄示經外想宜絕內注玄真然後長生可保太清真經一切含氣莫不貴生為天地之大德德莫過於長生長生者必其外身也不以身害物非惟不害而已乃濟物忘其身忘其外身而身不怠是為善攝生者也真道替神神能飛化 變 亦替者當為變替

棘

棘為蠻夷從人棘替

蒲北切

本書羌下云西南夔人蓋在坤地頗有順理之性 廣志蠻夔濮在沅昌西南 陳琳檄吳文皇中羌夔 呂氏春秋恃君篇氏羌呼唐離水之西夔人野人注云夔人讀如甸甸之甸 漢書地理志犍為郡夔道 郡國志西夷有荔枝園夔僮為夷中最賢者古所謂夔僮之富多以荔枝為業 水經注江水云夔道縣本夔人居之秦紀所謂夔童之富者也 犍為蠻夷者史記司馬相如傳會唐蒙使略通夜郎西夷中徐廣曰羌之別種也索隱引文穎曰夜郎夔中皆西南

覓文釋字彙登

卷二十一

壹

連筠移叢書

夷後以為群柯擬為二郡漢書會貨志散幣於邛夔以轄之應劭曰夔屬健為顏注本西南夷種夔今夔道縣也伍被傳羌夔貢獻顏注夔西南夷也後漢書杜篤傳捶驅氏夔注云並西南夷號古文苑蜀都賦馬犀象夔注云夔道有夔人文選長揚賦羌夔東馳五臣云夔夷名從人棘聲者地理風俗記夷中叟仁有人道故字從人王制西方曰棘注云棘當為夔夔之言偏使之偏寄於夷戎



人在山上從人從山

呼堅切

疑此為僊之或體後人亂之聲類仙俗僊字廣韻命輕舉兒釋名老而不死曰仙仙遷也遷人山也故其制字人旁作

也山

人在山上者一切經音義十四引作人上山貌也又十六云人在山上貌也



南方有僊僊人長三尺短之極從人堯聲

五聊切

本書羌下云西南夷人僊僊从人蓋在坤地頗有順理之性廣雅僊僊八疾之一曹憲云說文無立人旁僊竹書紀

年帝堯二十九年春焦僂氏來朝古文苑短人賦焦僂短

人焦僂之後皇侃論語義疏南有八蠻三日焦僂千祿

尺書焦僂謂南方知人也西陽雜俎李章武有人腊長三

尺餘頭項髀助成就言是焦僂國人宋賦本末記突厥窟

北馬行一月有短人國長者不踰三尺亦有二尺者頭少毛

髮若羊胞之狀突厥子爲羊胞頭國其旁無他種類相侵俗

無寇盜但有大鳥高七八尺常伺短人

啄而食之短人皆持弓矢以爲之備

南方有焦僂人長三尺短之極者曹注廣雅引作焦僂短

人也魯語仲尼曰焦僂氏長三尺短之至也注云焦僂西

南蠻之別名晉語焦僂不可使舉注云焦僂長三尺不可

使舉重列子湯問篇從中州以東四十萬里得焦僂國人

長一尺五寸注云短人國名也韋昭曰西南蠻之別名也

按括地志在大秦國北也荀子正論篇以焦僂而戴太山

也注云焦僂短人長三尺者也富國篇是猶鳥獲與焦僂

博也注云焦僂短人長三尺者大荒南經有小人名曰焦

僂之國幾姓嘉穀是倉注云皆長三尺海外南經焦僂國

在三首東注云外傳云焦僂民長三尺短之至也淮南地

形訓西南曰焦僂注云焦僂短人國長不滿三尺郭璞山

海經圖贊焦僂極麼靖人唯小四體俱足眉目才了菹案

列子東北極有人名擘人長九寸詩含神霧東北極有人長九寸外國闕焦僂國人長一尺六寸迎風則偃背風則伏肩目俱足但野宿一曰焦僂長三尺其國草木夏成而冬生去九疑三萬里劉氏新論觀量篇夫觀焦僂之節知非防風之脰袁孝政注云焦僂國人長三尺通典焦僂國其人長三尺穴居善游鳥獸懼焉

幣

幣也從人對聲

都隊切

市也者俗謂關周曰對

狂

遠行也從人狂聲

居況切

伴

分也從人從牛牛大物故可分

其輦切

徐鉉所加

遠行也者廣雅往也又云往能劇也楚辭九歎魂能往而南行兮王注惶遽之兒

僣 安也從人僣聲

韻會引如此廣韻僣依人也於靳切與僣同徐鉉新附僣字卽僣之俗體

僧 馭馬也

御覽引如此案本書諺一曰諺僧聲類僧合市人也

遺文二